

摘藻堂四庫全書薈要

史部

欽定四庫全書叢要

史部

御定資治通鑑綱目三編卷八
九

詳校官編修臣汪鏞



欽定四庫全書薈要卷七千四百二十

御定資治通鑑綱目三編卷八

起丙午明宣宗宣德元年
凡六年
盡辛亥明宣宗宣德六年

宣宗章皇帝宣德元年春正月赦死罪以下運糧宣

府自贖

勅諭刑部都察院大理寺曰歲事肇新春生伊始見
問罪囚宜從寬典除情重者不宥外餘皆宥罪俾運
糧赴宣府其雜犯死罪自備糧十五石運納文職官
吏降用武職調衛徒流遷徙罪運官糧十石武職復
職文職官吏調用杖罪運官糧五石各還
職役軍民人等應運納者皆復役寧家

命吏部侍郎黃宗載等清理天下軍伍

時軍伍頗缺衛所勾軍州縣多不以實無丁之家誅求不已有丁之戶行賄得免興州軍士范濟詣闕言乃命宗載等十五人分往直省清理之其後定清軍例二十四條遣京卿給事中御史以為常

質實

黃宗載一名塢字厚夫
豐城人官至吏部尚書

二月悉除開荒田逋稅

巡按山西監察御史張政言民人先有逃徙荒廢田上逋負稅糧近詔赦宥令其復業所有積逋悉為蠲免歡騰遠邇莫不來歸臣見山西民人多復愁沮蓋初逃時有司懼罪未申戶部負租不準開豁緣其舊業久棄今歸生計尚無若復追徵恐又逃徙帝謂夏原吉曰大赦之後何逋不除豈可謂初未申聞便要

徵納其即下有
質實
張政廣
司悉與蠲免
德人

耕藉田

南京地震

正月甲辰震至
是戊寅又震

三月榮昌伯陳智都督方政討黎利敗績

先是黎利攻圍恭麓又安知府琴彭署州事拒守閱
七月糧盡卒疲無援者巡按御史以聞奏至而仁宗
崩帝初即位勅責智及三司官智等不為意洪熙元
年冬恭麓陷琴彭死之尚書陳洽以聞帝勅智等責
以來春平賊召楊士奇楊榮於文華殿帝曰昨諭榮
昌伯等勅已行矣朕有一言獨與卿二人知之昔在

南京皇考曾與朕言太祖定天下安南最先歸化黎氏竊陳所必當討求陳氏之後不得故郡縣其地若陳氏尚有後立之猶是太祖之心而一方亦得安靜此語藏在朕心未嘗忘士奇榮對曰永樂三年初征黎賊凡誥勅皆臣等親承面命聖志惓惓在于興滅繼絕帝曰其時朕雖髫年尚記一二聖語亦如卿等所言卿二人但識朕意三二年內朕必行之至是智與政敗績于茶籠州智懦而多忌政勇而寡謀不相能而山壽擁兵入質實琴彭交趾人贈安不救是以屢敗質實交趾左布政使

以禮部左侍郎張瑛兼華蓋殿大學士直文淵閣

初帝為皇太孫瑛以給事中與陳山俱侍講讀至是以舊恩遂有是命瑛善承風旨雖參機務委蛇受成而已帝亦弗重也

質實

張瑛邢臺人
陳山沙縣人

夏四月遣成山侯王通征黎利

交趾自永樂以後久隸版圖黎利等竊弄潢池稱兵犯順正玉誅所必加雖陳智方政等收歛相尋亦由于闕將非人耳宣宗既別簡重臣統兵進討而入聽楊士奇等珠崖之喻其時黎夏諸臣能不隨聲附和正宜相商

時渠魁未平小寇蜂起宣化賊周賊太原賊黃荅笑苗賊潘可利雲南寧遠州紅衣賊長擎俱叛附利帝降旨切責智政以通為征夷大將軍充總兵官馬瑛為參將帥師討利尚書陳洽參贊軍務智政俱削爵充為事官聽通節制通既出師一日帝御文華殿塞義夏原吉楊士奇楊榮侍帝曰交趾自建郡縣以來用兵無寧歲昨遣將出師朕反覆思之欲如洪武中使自為一國歲奉常貢以全一方民命卿等以為何如義原吉對曰太宗皇帝平定此方勞費多矣二十年之功棄于一旦臣等以為非是帝顧士奇榮曰卿兩人云何對曰交趾唐虞三代俱在荒服之外漢唐以來雖為郡縣叛服不常漢元帝時以賈誼之議罷珠崖郡前史稱之元帝中主猶能不行仁義況陛下父母天下與此豺豕較得失耶帝領之五月下詔大

決策乃軍行前
出關門而君臣
相顧已早為棄
地息兵之說厥
後王通但務講
和陳洽柳升相
繼戰敗喪師失
律此為小醜所
困皆由于廟謀
之疏先鋒耳

赦交趾罪人黎利潘僚降亦授職停採
辦金銀香貨欲以弭賊而賊無悛心
三年置直隸雲南行省明洪武十五年屬臨安府宣
德元年與安南按明宣宗實錄交趾太原宣化二府
屬縣鄰近雲南寧遠州其人皆紅衣黑帽故號紅
衣賊土官知州刀吉罕縱令劫掠命沐晟討之

頒外戚事鑑及歷代臣鑑

御製外戚事鑑及歷代臣鑑成頒賜外戚及羣臣帝
曰治天下之道必自親親始文武之臣欲同歸于善
前事之不忘後事之師也故于暇日采輯前代近戚
及羣臣善惡吉凶之迹類為此書用示法戒其擇善
而從以保福祿二
書皆帝手序之

五月錄四

諭三法司曰占者孟夏斷薄刑出輕繫仲夏拔重囚
益其食所以順時令重人命也祖宗時遇隆寒盛暑
必命法司錄曰今天氣嚮炎不分輕重悉繫之非欽
恤之道卿等當體此心即量輕重區別之務存平恕
毋致深刻

詔毀身療親疾者不得旌表

初洪武中禮部定議凡人子臥冰剗股者不在旌表
例至是總旗衛整女母病薦剗肝煮液母飲之而愈
禮部特為請旌帝曰孝親有道剗腹剗肝豈可為孝
若因此傷生其罪益大女子無知不必加罪所請不
允

六月免南京囚解行在

行在刑部都察院奏南京輕重罪因俱解赴行在道
中亡故者多其囚已經大理寺審允又赴行在則複
矣宜令南京刑部都察院除軍民職官命婦犯輕重
罪及旗軍校尉力士餘丁犯徒流死罪皆監候奏請
其餘皆就彼依
律決遣從之

秋七月京師地震

始立內書堂

內使之職止于
供給使令即令
讀書亦不過教
之識字記姓名
略解大義而已
特開書堂聚至
洪武中設內官監典簿掌文籍以通書算小內史為
之又設尚寶監掌御寶圖書皆僅識字不明其義及
永樂時始令聽選教官入內教習至是開書堂于內
府改刑部主事劉紳為翰林修撰專授小內使書其
後大學士東山修撰朱祚俱專是職選內使年十歲
上下者二三百人讀書其中後增至四五百人翰林

四五百人已不免重視其事且今大學士翰林等官專以校書為務尤素職守而與班聯若輩因此差得與外僚日相習熟實開實錄交結之漸宣宗于內使傳旨必令覆奏始行非不留心防制乃必欲其深通文墨甚至掌批硃憑假內監之手實不

官四人教習以為常于是內官始通文墨掌章奏照閣票批硃與外庭交結往來矣

質實

洪武十七

年更定內官諸監庫局品職內官監設令一人正六品丞二人從六品典籍一人正九品尚寶監凡用御寶則奏請然後付尚寶司官用之畢則捧入設令一人正七品丞一人從七品明史宦官傳太祖鑒前代失宦者不過百人末年頒祖訓乃定為十有二監及各司局稱備員十有二監曰神官曰尚寶曰孝陵神官曰尚膳曰尚衣曰司設曰內官曰司禮曰御馬曰印綬曰直殿曰都知劉坤濟寧州人

均薊州軍戶畜馬

初以薊州之東地廣草肥宜畜牧令永平衛軍人牧牝馬一免他役後軍士調發既多畜者皆老幼殘疾之人一人有畜至二三十匹者兩歲責納一駒人愈窮困馬亦耗巡按御史李驥奏請變通帝命兵部視

解其何所取義
至正統初即有
司禮秉筆之事
貽害遂不可勝
言豈非立法之
不善耶

欽定四庫全書

卷八

薊州諸衙馬少
者分給均養

京師地生毛

長尺
餘

免山東夏稅

山東旱無麥詔
免今年夏稅

詔中官傳旨必覆奏始行

時中官傳旨輒令徑行帝聞之即下法司治屢中諭
部科覆奏而內官內使之擅傳旨者終不能禁卽科
亦不能
違也

罷湖廣採木

時湖廣發民運糧調軍征討遇旱災人皆艱食工部勘合採杉松大材七萬株巡按御史劉鼎貫奏請罷役從之尚書吳中請罷其半帝命悉罷之

河南霖雨河溢

六月至七月雨黃汝二河溢開封南陽河南

質實

汝水源出河南汝州天息山東流過郟縣又東

南與汝水合沙河入之過襄城縣又東南過郟城縣北又東南入汝寧府境徑汝陽上蔡又東南徑新蔡東流入于淮河南漢郡唐府元路明洪武初復為府今因之

八月漢王高煦反帝親征

高煦不過一凶暴無賴之人又習見成祖以篡得國遂萌逆志其情事究與燕兵有殊而宣宗亦非惡帝柔弱可比高煦第乘其新立遂心不軌不意宣宗之竟能決意親征故一聞六師壓境如震迅雷手足已無所指則其事半功倍固時勢使然若僅

高煦身長七尺餘輕捷善騎射自負其雄武潛蓄異志永樂中成祖常命同仁宗謁孝陵仁宗體肥重且足疾雨中使掖之行恒失足高煦從後言曰前人蹉跌後人知警時帝為皇太孫在後應聲曰更有後人知警也高煦回顧失色既徙封樂安益怨望仁宗崩帝自南京奔喪高煦謀伏兵擊于路倉卒不果帝即位賜高煦及趙王視他府持厚益自肆與其黨日夜造軍器籍丁壯為兵破獄出死囚厚養之集旁近無賴子弟及逋逃賜銀幣編隊甲奪府州縣官民畜馬立五軍四哨部署已定為授指揮王斌知州朱恒長史錢異千戶盛堅典仗侯海教授錢常等為太師尚書都督侍郎等官其餘各以差授職遣人約山東都指揮靳榮為助期先取濟南然後犯闕御史樂安李濬家居變姓名詣京白其事山東文武軍民真定等衛所告變者亦踵至高煦遣親信枚青入京約英國公張輔為內應輔立誓以聞帝遣中官侯泰賜高煦

命將出師恐成
敗尚未可定以
所遣之薛祿聞
命色變甚至向
廷臣垂泣其懼
怯無能視建文
時之李景隆相
去有幾幸而宣
宗英斷且楊榮
等之力贊親征
亦非薛黃輩所
能及其功效固
不可同日語也

書泰至高煦盛兵見泰曰靖難時非我出死力不得
至是太宗輕聽讒言削我護衛使我樂安仁宗徒以
金帛餌我今上舉口談祖制吾安能鬱鬱久居此乎
因命泰觀其軍馬兵器曰以此橫行天下可也爾歸
報爾主速執送奸臣然後議我所欲耳泰懼不敢言
歸亦不以實對帝曰泰二心錦衣官從泰往者具陳
其事帝怒已而高煦所遣百戶陳剛齊奏至多所指
斥索誅奸臣以夏原吉為罪首帝遣陽武侯薛祿往
討之夜召諸大臣入議原吉免冠謝死罪帝曰卿何
為是言彼借卿為兵端耳休戚與卿共之命諸大臣
坐屏左右密語楊榮首勸帝親征帝難之張輔曰願
假臣兵二萬擒獻闕下不足煩至尊榮曰彼謂陛下
新立必不自行故敢爾以忒威臨之事無不濟臣請
先驅原吉曰獨不見李景隆已事耶臣昨見所遣將
命下即色變退語臣等泣臨事可知且兵貴神速卷
甲趨之所謂先人有奪人之心也榮言是議遂決命

鄭王瞻峻襄王瞻塏居守薛祿等率兵二萬為先鋒
車駕發京師過楊村馬上顧從臣曰度高煦計安出
或對曰必先取濟南為巢穴或曰彼曩不肯離南京
今必引兵南下帝曰不然濟南雖近未易攻聞大軍
至亦不暇攻護衛軍家樂安肯棄之南走乎高煦外
強中怯敢反者輕朕年少新立衆心未附不能親征
耳他將來以甘言厚利誘之僥倖成事

質實

五軍指揮王斌

將前軍韋達左軍千戶盛堅右軍知州朱恒後軍諸
子各監一軍高煦自將中軍四哨指揮韋弘韋興千
戶王玉李智領之真定衛在真定府治東南明洪武
三年建今裁楊村在武清縣東南五十里朱恒應天
人李濬由太學生官監察御史時
丁父憂家居至是擢左僉都御史

帝至樂安高煦降遂班師

高煦初約靳榮取濟南山東布按二司覺之防榮不
得發既聞薛祿將喜曰易與耳及聞帝親征始懼朱
恒力言宜引精兵取南京大事成矣衆不從曰爾願
赴家奈我輩何其黨有自拔來歸者帝厚賞之令還
諭其衆復遣高煦書曰張敖失國本之貫高淮南受
誅成于伍被今六師壓境王即出倡謀者朕與王除
過恩禮如初不然一戰成擒或縛王來獻朕雖欲保
全不可得矣前鋒至樂安高煦約詰朝出戰帝聞令
大軍蓐食兼行駐蹕樂安城北諸將壁其四門王斌
等乘城舉礮大軍發神機銃擊之聲如雷震諸將請
即攻城帝不許復再勅諭高煦又以勅矢射城中諭
逆黨禍福城中多欲執高煦獻者高煦大懼密遣人
請降願假今夕訣妻子明日出歸罪帝許之其夜高
煦焚兵器及通逆文書火通夕不息昧爽帝移蹕城
南高煦將出城王斌固止之曰寧一戰死無為人所
擒高煦給斌等復入官潛從問道出為官軍所執羣

趙王如果與高
煦同惡即當繫
罪加誅若其未
與逆謀豈可因
樂安之事遽臆
猜疑以傷親誼
建大劑毒醜禍
前賢非遙況高
煦既已就擒有
何羽翼堪虞必

九月帝還京師遣諭趙王高燧

臣請正典刑帝不允以劾章示之高煦頓首言臣罪
萬萬死惟陛下命帝令高煦為書召諸子同歸京師
餘黨悉就擒赦城中罪脇從者不問命薛祿及
兵部尚書張本鎮撫樂安改曰武定州遂班師

師還次單橋陳山迎謁請乘勝襲彰德執趙王楊榮
以帝意令楊士奇草勅士奇曰太宗皇帝惟三子今
上惟兩叔父有罪者不可赦無罪者宜厚待之疑則
嚴防之使無虞而已何遽加兵傷皇祖在天意乎時
惟楊溥與士奇合請皆入以死諍二人入問者不納
帝召塞義義以士奇言白帝移兵事遂罷至京師高
煦亦言嘗遣人與趙通謀帝語士奇曰議者喋喋多
言趙王事奈何士奇曰趙王與陛下最親陛下宜保
全之無惑羣言帝曰吾亦思之今欲封羣臣章示王
令王自處何如士奇曰得一璽書更善帝從之明年

須翦伐乎深山
輒倡謠移詔問
害骨肉其庸妄
無異齊黃而食
邪更不可問幸
而宣宗從楊士
奇之說曲予保
全否則無故相
幾不獲復效述
文之滋議耶

遣駙馬都尉廣平侯袁容等奉書及羣臣所上章至
趙趙王大喜已泣曰吾生矣即上表謝且獻常山中
護衛及羣牧所儀衛
司官校言者頓息
祖女永
安公主
質實
單橋即單家橋在河間府
獻縣南袁容壽州人尚成

廢高煦為庶人

禁室西安門內謂之逍遙城并其諸子銅之王斌朱
恒等皆伏誅長史李然以嘗諫免死謫口北為民天
津山東諸都督指揮以預謀誅死者六百四十餘人
戍邊者千五百餘人帝親製東征記備書其事後數
年寧王權上書請赦高煦不從一日帝往視之高煦
仲足勾帝仆于地帝命舁銅缸覆之缸重三百斤高
煦頂負之輒動乃命積炭于其上燃
之逾時火熾銅熔高煦死諸子亦死
質實
春明夢餘
錄西安門

明制皇城外門凡六曰大明門曰長安左門曰長安右門曰東安門曰西安門曰北安門俗呼厚載門仍元舊也天津宋金為清滄二州地元因之明永樂初置天津左右二衛為河間府地本朝雍正三年改直隸州九年升府

冬十月釋李時勉于獄復以為翰林侍讀

李時勉以直言下獄本屬仁宗過舉宣宗設未嘗所言何事豈容不加詳察遂令縛付市曹則其凌以威怒脅以嚴威未嘗非初仁宗大漸謂夏原吉曰時勉廷辱我言已勃然怒原吉慰解之其夕帝崩時勉既下獄至是或言其得罪先帝狀帝震怒命校尉縛以來親鞫必殺之已又令王指揮即斬西市毋入見指揮出端西旁門而前校尉已縛時勉從端東旁門入不相值帝遙見罵曰爾小臣敢觸先帝疏何語趣言之時勉叩頭曰臣言諒闇中不宜近妃嬪皇太子不宜遠左右帝聞言色稍霽徐數至六事止帝令盡陳之對曰臣惶懼不能

要其無事故為
曲折以顯其寬
宥直臣之美但
其獲罪所由究
非先朝威德而
必使之于大廷
歷數始為數息
稱忠將欲形已
之長竟不復為
仁宗少留餘地
于心果何以自
安且宣宗後此
于陳祚諸講大
學行義籍沒逮
繫郭循極諫工
作裏寇怨射其

悉記帝意益解曰是第難言耳草安在對曰焚之矣
帝乃太息稱時勉忠立救之復其官此指揮詣獄還
則時勉已襲冠
帶立階前矣
質實
端東西旁門
按闕左右門即
端東西旁門也

大雷雷雨

是月已
卯夜也

十一月王通兵至交趾遇賊于應平敗績參贊尚書陳
洽死之

先是陳智遣都指揮索亮學黎利弟善于廣威州亮
遣指揮陶森錢輔等渡河中伏並死亮被執善遂分

失視金瓜捶擊
殆無以異又何
前後之自相予
盾耶

兵三路攻交州府一攻下關都督陳濬擊却之攻邊
江小門者為李安所敗善夜走參將馬瑛破賊清威
至石室會通兵至遂與之合進次應平之寧橋諸將
言地險惡恐有伏宜且駐師覘賊通不聽麾兵徑渡
人馬行泥淖中不能成列伏四起軍大潰死者二三
萬人通中脇走尚書陳洽躍馬入賊陣創甚墜馬左
右欲扶還洽張目叱曰吾為國大臣食祿四十年報
國正在今日揮刀殺賊數人自剄死黎利在清化聞
之自將精卒鼓行至清潭進圍東關通本無將略以
父真死事封朝廷不知其庸劣誤用之一戰而敗心
膽皆喪陰遣人許為利乞封不奉朝命擅割清化以
南地畀賊令官吏軍民盡還東關傲至清化知州羅
通不從與指揮打忠攔城拒守利移兵攻之不下賊
萬餘人攻隘留關百戶黃彪等遇害百戶萬琮登城
大呼出南門擊走之明年春利犯交州通出兵擊之
賊大敗斬其偽官以下萬餘級利惶懼欲走諸將請

乘勝急擊通猶豫數日賊得樹柵掘濠塹四出攻掠遂分兵陷昌江都指揮李任前後三十戰力竭自剄

死復攻邛溫都指揮孫聚力拒之邛溫去廣西憑祥

止二富總兵官顧興祖擁兵不救城遂陷指揮使徐

麒千戶蔡質實憑祥宋為憑祥峒明為鎮後為縣今

顯死之質實憑祥宋為憑祥峒明為鎮後為縣今

州屬廣西太平府羅通字學古吉水人官御史以言

事出為清化州知州通許利請封檄清化以南歸黎

氏羅通曰非君命而欲賣城義不可連戰敗走之初

都督蔡福守人安被圍福不戰率都指揮朱廣薛聚

于瓚指揮魯貴千戶李忠降賊至是福馳馬清化城

下大呼守城者宜見幾全首領羅通大罵乃去李任

金華永康人利以賊八萬餘攻昌江城任與指揮顧

福等竭力拒賊皆自剄死中官馮智大哭誓不從賊

與指揮劉順諒江知府劉子輔及其一子一妾俱死

城中軍校及男女同死者數千人賊縱火焚燒劫掠

一空子輔廬陵人徐麒桂林中衛指揮使蔡顯南寧千戶邱溫被圍麒顯率疲卒固守城陷皆死無一降者

諭御史勿窮治高煦餘黨

左都御史劉觀等言高煦之黨同謀者皆伏法其護衛軍丁居他州者尚多當罪之帝曰凡先調衛及商販在外者皆不預逆

質實

劉觀雄縣人

謀其釋之不必窮治

十二月免六師所過秋糧

錄囚

命行在刑部都察院錦衣衛三日內悉上所鞫獄囚罪狀帝親覽決真犯死罪依律連坐以下免死謫戍

追贓流徒以下運甄贖罪及罰
鈔釋免有差凡宥免三千餘人

遣安遠侯柳升征黎利黔國公沐晟自雲南引兵會之

帝聞王通敗大駭乃命升充總兵官保定伯梁銘副
之都督崔聚為右參將尚書李慶參贊軍務帥師由
廣西赴討又命沐晟及興安伯徐亨新寧伯譚忠從
雲南進兵勅通固守以俟又以黃福仍兼交趾布按
二司事與質實梁銘汝陽人崔聚懷遠人李慶字
德孚順義人徐亨興安伯祥之孫

丁未二年春正月申明屯田法

帝命戶部申明屯田之法謂侍臣曰海內無事軍士
量留守備餘悉屯糧所收足以給衣食則國家可省
養兵之費然朕以為立法固善尤在任用得人其令
兵部移文所司選老成軍官提督屯田仍命風憲官

以時
巡察

南京地震

是年凡十
有一震

二月以戶部左侍郎陳山為尚書兼謹身殿大學士直

文淵閣

先是山與張瑛俱侍帝講讀
瑛既為大學士山亦有是命

夏四月晉王濟熿有罪廢為庶人

初濟熿既構陷濟燾幽其父子空室中蔬食不給恭
王宮中老嫗走訴成祖乃即獄中召晉府故承奉左

微問之盡得濟熿構濟熿狀立命微馳召濟熿父子
濟熿幽已十年左微者故因濟熿牽連繫獄或傳微
死已久及至一府大驚微入空室釋濟熿父子相持
大慟時成祖北征謁行在所帝見濟熿病惻然封美
圭平陽王使奉父居平陽界以恭王故田會帝崩濟
熿斬不與仁宗連以書諭卒不聽又聞朝廷賜濟熿
王者冠服及他賚予益怨望成祖仁宗之崩不為服
使寺人代臨幕中廣致妖巫為詛咒不報帝即位濟
熿密遣人結高煦謀不軌寧化王濟煥告變比擒高
煦又得濟熿交通書帝未之問而濟熿所遣使高煦
人懼罪走京師自首內使劉信等告濟熿擅取屯糧
欲應高煦并發宮中詛咒事濟煥亦始知嫡母被弑
馳奏帝遣人察之皆實乃免為庶人
質實 恭王故田
幽之鳳陽同謀官屬及諸巫皆論死
在連伯灘
成祖與美圭濟熿久不與仁宗諭之不從美圭言連
伯灘地隸平陽不隸太原仁宗遣人視灘果隸平陽

又書諭濟
燬卒不與

王通許黎利和介其使上表

利圍交州久通閉城不敢出利益易之致書請和上
表謝罪通欲許之集衆議按察使楊時習曰奉命討
賊與之和而擅退師何以逃罪通怒厲聲叱之
衆莫敢言遂遣人偕利使至京進表及方物

五月薛祿督餉開平

命陽武侯薛祿佩鎮朔大將軍印充總兵官率師防
護糧餉赴開平時開平備禦都指揮唐銘等屢奏寇
出沒邊境故也銘等又云孤城荒遠薪芻並難猝遇
寇至別無應援請添官軍神銃手備下其事於英國
公張輔又羣臣議皆以為添官軍愈難餽給宜準陽
武侯薛祿祿奏於獨石築城立開平衛以開平備禦

官軍家屬移于新城且耕且守而以開平及所調他
衛官軍選其精壯分作二班每班一千餘人更代于
開平舊城備哨新城守禦官軍不足者暫于宣府及
附近衛分酌量添撥候發罪囚充軍代還仍勅薛祿
于防護糧餉之餘相宜區畫築城安
質實獨石在赤
恤畢事而歸帝命俟秋成後為之
城縣東北
一百里在宣化府東北三百十里其南為獨石城明
宣德五年自故開平城移置開平衛于此景泰三年
設上北路參將 本朝康熙三十二年併衛入赤城
縣仍設參將駐防曰獨石路雍正十年改設副將十
二年增
設同知

秋七月松藩番叛遣都督同知陳懷等討之

松藩衛當發軍戍交趾將士憚行千戶錢宏與衆謀
詭言番叛冀免調都司果罪其役而發軍討番宏潛

至番寨脅以大軍將致討逼取牛馬財物番本不反
忽聞大軍且至衆遂驚走約生番為亂殺指揮陳傑
衆至五萬人合攻松潘城焚上下四關及諸屯堡又
圍威茂疊溪諸衛所官軍屢戰皆敗帝以懷充總兵
官與指揮蔣貴合兵討之而臬宏于松潘以徇明年
正月官軍連敗賊復疊溪招撫諸番三十餘寨松潘
平命懷質實疊溪在松潘街南二百三十里唐翼州
宋元皆為羌據洪武時平西羌以古翼
鎮其地

州置疊溪千戶所今疊溪營屬松潘
鎮陳懷合肥人蔣貴字大富江都人

發明

時松潘番國未反也錢宏冀免征調乃詭言
番叛且勒索激變致生番果反撓敗官軍于

是令陳懷等合討而臬宏以徇宏之滋事一方誅
戮固由自取而其時都司誤聽宏言發軍致討尤
不得為無罪夫以千戶狡黠自私之詞為將備者
果察其情偽不肯遽爾興兵雖有宏之逼脅番衆

尚不至挺而為亂然則斯役也却司實為禍階而懷貴等竟置不問豈非漏網哉

薛祿敗敵于開平

時諸達數為邊患祿至開平寇先已逼城下無所得而退祿遂率精兵往襲之晝伏夜行踰三夕望見敵營縱輕騎徑薄之殺數十人生擒鎮撫百戶等十二人獲其男婦六十四人馬八百餘匹牛羊四千餘頭既還衆躡其後祿縱兵奮擊又大敗之遂遠遁

令官吏軍民入米贖罪

自死罪至笞四十分十等納米百石至二石有差納者贓罪得不死徒流以下皆復用不能納者雖笞杖久繫不釋往往至死御史張質實張純江純言貧人罪輕者始免追繫陵人

金作贖刑古人欽恤之義苟情有可矜而罪非不赦許其納米

弛罪亦未嘗不可
顧宜聽人之
自贖豈可不問
其願與否而強
人使從令無力
者轉受無窮之
累則是為利起
見而非為仁行
權矣

命都督僉事山雲鎮廣西

柳慶蠻韋萬黃等糾合猺獠為亂鎮遠侯顧興祖以
不救交趾被逮公侯大臣舉雲廉勇有智略命雲佩
征蠻將軍印充總兵官率官軍討之時賊方劫掠臨
桂諸縣聚眾保山嶺山峻險挂木于藤壘石其上官
軍至輒斷藤下木石無敢近者雲夜半束火牛羊角
以金鼓驅向賊賊謂官軍至亟斷藤比明木石且盡
眾譟而登斬首萬餘級賊降雲乃築四城九堡傳舍
九千餘區以鎮要害初土官饋獻帥率受之然卒為
所持雲聞府吏鄭牢剛直召問曰饋可受乎牢曰潔
衣被體一污不可復前將軍新潔衣也寧可污乎雲
曰彼且疑奈何牢曰贖貨法當死將軍不畏天子法
乃畏土夷耶雲曰善盡却之由是土官畏服調發無
敢後者雲所至撫善良
質實
柳慶柳州百粵地唐置
察誣枉土人皆愛之
柳州元路明為柳州府

慶遠百粵地宋置慶遠府元路明復為府臨桂縣唐
置明為桂林府治今皆因之山雲徐州人鄭牢帥府
老史嘗逮事韓觀觀醉輒殺人牢輒留之
醒乃以白性剛直為士大夫所重以吏終

發明

山雲鎮廣西凡柳潯平樂桂林宜山思恩諸
蠻先後討平猛獍屏迹其功亦卓卓矣方其

議代興祖時衆薦為廉勇有智略則土官饋獻之
陋習豈有不立斥其非者乃猶待取法于府吏而
始却而不受哉或當時嫉雲者欲污其潔白之操
故曲為傳聞之說以形其所守未堅見利而心動
耳乃史家轉稱道之
其亦未之加察矣

八月黃淮罷

帝親征樂安命淮居守至是
以疾乞休許之賜錢萬貫

免兩京山西河南州縣被災稅糧

九月柳升進軍倒馬坡遇伏死諸軍盡歿

升奉命久俟諸軍集至是始抵隘留關黎利與王通
已有成言乃詭稱陳氏有後率大小頭目具書詣升
軍乞罷兵立陳氏裔升不啓封遣使奏聞趣進兵連
破關隘數十直抵鎮夷關升以賊屢敗易之郎中史
安主事陳鏞恐賊示弱以誘官軍亟言于李慶曰柳
將軍辭色皆驕驕者兵家所忌防賊設伏宜力言之
時慶及梁銘皆病甚強起告升都事潘禔亦勸升持
重廣偵探引寧橋事為戒升不為意進薄倒馬坡與
百餘騎先馳度橋橋遽壞後隊不得進升陷泥淖中
伏發升中鏢死從者皆歿其夕銘病卒明日慶亦卒
崔聚整軍至昌江遇賊殊死關賊驅象大至陣亂聚
為賊所獲誘之降不屈遂被殺官軍或走或死無一

人降者安鑄裡及主事李宗昉皆死時黃福再撫交趾比至升已敗奔還至鎮夷關為守者所執欲自殺守關者力阻之曰公我父母也公不歸我曹豈敢至此黎利聞饋白金餼糧以肩輿送出境福至龍州盡以賊所遺**質實**黎利等書略曰太宗皇帝興師弔伐歸之官

罹季薜之毒奔竄遠徙無從訪求今陳氏遺嗣有裔者竄身老過二十年本國人民不忘陳氏先王之澤已求高子羈次欲得高繼宗祀倘蒙天恩循太宗皇帝繼絕明詔使陳氏滅而復續實一國之人戴天恩於無窮也倒馬坡在雞陵關南鎮夷關即雞陵關史安字志靜豐城人陳鏞字叔振錢塘人潘裡鄞人官後軍都事李宗昉里系無考

冬十月王通棄交趾與黎利盟而還

通聞柳升敗殺益懼更啗利和教利立陳暲為陳氏後詭言實先陳王順三世孫今訪得之交人欲奉以為後輒立壇集軍民官吏與利盟誓退師因宴利遺利錦綺利以重寶賂通通為馳上表即引兵還沐晟軍至水尾聞已議和遂引退賊乘之晟大敗

十一月詔赦黎利罷交趾兵悉召文武吏士北還

鴻臚寺進黎利與柳升書王通使以利所奉陳暲表亦至詞略相同帝覽之心知其詐然欲藉此息兵乃以表示廷臣命集議張輔曰此詐也請益發兵討之臣期一年以擒賊寇義夏原吉亦以為不可許而楊士奇楊榮知帝厭兵且前有欲棄交阻語因力言許利便帝意遂決廷臣不敢復爭于是遣禮部左侍郎李琦工部右侍郎羅汝敬等齎詔諭交趾赦除其罪并諭利興滅繼絕意令具陳氏後人之實以聞勅召

王通馬瑛及三司衛所府州縣官吏盡撤軍民北還
詔未至王通已由陸路還廣西陳智及中官馬騏山
壽由水路還欽州官吏軍民得還者八萬
六千餘人為賊所獲及拘留者不可勝計
質實利所
為夫略曰安南國先臣陳日炫三世嫡孫臣陳嵩惶
恐頓首上言曩被賊臣黎季犛父子篡國殺戮臣族
殆盡臣嵩奔竄老搥以延殘息今二十年國人聞臣
尚存逼臣還國欲臣陳情請命臣仰恃天地生成大
恩謹奉表上請欽州隋置明初為欽州府
後改州屬廉州府今因之李琦元氏人

皇子生赦

帝年三十明皇后未有子又善病而孫貴妃有寵乃
陰取宮人子為己子帝以長子生大喜寵貴妃有加
詔大赦天下免明
質實孫貴妃鄒平人幼育宮中有
年稅糧三分之一
質實美色永城縣主簿孫忠之女

帝即位立為貴妃故事皇后金寶金冊貴妃以下有冊無寶宣德元年五月帝請于太后製金寶賜馬貴妃有寶自此始

十二月振陝西饑

帝語戶部尚書夏原吉曰昨聞關中旱饑已命有司發廩又命卿出京庫布帛往振之此皆朝政闕失所致因作詩志愧卿亦當與朕同憂也

戊申三年春二月立子祁鎮為皇太子

皇子生八日羣臣即上表請立為太子皇后亦屢表請早定國本貴妃悍驚曰后病瘥自有子吾子敢先

后子耶帝不允貴妃子遂立

立儲非善全之道向已屢論及之若由于臣下申請尤易滋流

樊況其未離襁
繇者乎乃宣宗
皇子生甫八日
而羣臣請立太
子之疏已紛紛
競陳有伺迫不
及待竟至于此
徒如拘古慕名
而不審事實
不足當一察而
況其事出揣摩
迎合耶

作帝訓成

御製帝訓凡二十五篇曰君德奉天法祖正家睦親
仁民經國勤政恭儉儆戒用賢知人去邪防微求言
祭祀重農興學賞罰黜陟恤刑文治武備馭夷藥餌
以教子孫修身齊家治國平天下之道大要備具帝
自為之序復題
其後以致意焉

三月廢皇后胡氏立貴妃孫氏為皇后

太子既立帝以春秋毋以子貴將廢后而立貴妃召
諸大臣言之楊士奇以為不可帝乃獨召士奇至武
英殿密諭之士奇曰皇后今有疾惟以疾辭位遽居
別宮則進退有禮帝俞之乃令后上表辭位退居長
安宮賜號靜慈仙師而冊貴妃為皇后胡后既廢張
太后常召居清寧宮內廷朝宴命居孫后上孫后常

快快至正統七年十月太后崩后痛哭不已踰年亦崩用嬪御禮葬金山天順七年七月追諡恭讓皇后修陵寢質實金山在順天府宛平縣西北二十里其南曰甕山

阿嚕台入貢

遣使臣四百六十人來朝貢馬及方物

宴大臣于西苑

帝命蹇義夏原吉楊士奇楊榮等十有八人從遊萬歲山復賜登御舟泛太液池帝指御舟曰治天下猶此舟矣利涉大川卿等之力也是時帝方勵精求治諸大臣亦同心輔政海內漸臻治平帝乃仿古君臣豫遊事每歲首許百官旬休選勝宴樂帝亦時遊西苑諸學士皆從問民間疾苦賦詩慶唱朝野稱盛事

云
質實

明彭時賜遊西苑記西苑在宮垣西中有太液池周十餘里池中駕虹梁以通往來橋東

為圓臺臺上為圓殿殿前有古松其北即萬歲山上
有殿亭六七所最高處廣寒殿也池西南又有一山
最高處為鏡殿乃金元時所作其西南曰南臺則宣
帝常幸處也按西苑在今西華門之西入苑門即太
液池池南北亘四里東西二百餘步其上源自玉泉
山合西北諸水至北安門水門流入滙為大池元時
亦名西華潭夾岸多槐柳池中蒲藻紛敷禽魚翔泳
望如仙洲勝境池上跨長橋坊楔對峙東曰玉蟾西
曰金鼇橋北稱北海橋南稱中海瀛臺以南稱南海
其中海之東岸有蕉園舊址稍南為萬善殿殿西有
亭為太液秋風即燕京八景之一又按萬歲山金名
瓊華島元中統三年修之至元八年名萬歲山其山
皆疊玲瓏石為之明宣宗廣寒殿記萬歲山石即宋
之艮嶽也金徙于此今為白塔山又按明廣寒殿鏡

殿今皆無其南臺即今瀛臺舊一名趵臺在太液池中由西苑門入度板橋有門曰德昌中建殿五楹殿之南石堤數十步過堤歷級而登為翔鸞閣涵元殿香宸殿迎薰亭而統名之曰瀛臺臺三面臨水奇石森列花樹芬鬱天然林壑之致

夏四月詔自今官民建言尚書都御史給事中會議以聞

帝曰致治之道莫先于廣言路天下之大吏治得失民生休戚人不言朝廷何由悉知古人謂明主視天下猶一堂滿堂飲酒一人對隅而泣則一座不樂若令天下有匹夫匹婦不得其所實為君德之累凡有建言民瘼者卿等勿諱

閏月免山西旱災租遣使撫輯流民

山西布政司言平陽府屬八州三十三縣旱詔免其租仍振恤之工部郎中李新自河南還言山西饑民流徙南陽諸郡不下十餘萬官司遣人捕逐民愈窮困死亡日多帝即命遣官撫輯發廩振之

王通陳智等及布政使弋謙內官馬騏山壽俱以棄交

趾罪下獄論死

通等至京文武諸臣廷鞠俱論死下獄籍其家時議以通棄地擅和騏恣虐激變罪尤重然帝皆不誅長繫待決而已顧興祖先被逮亦下獄廷臣劾沐晟徐亨譚忠等逗留不進違命喪師罪帝不問初交趾布政戚繼以貪淫黜命謙往代通棄交趾謙非其罪亦論死

發明

王通等與賊議和擅棄父陟山壽庇護叛寇馬騏激變一方皆罪之尤者當時惟長繫不

誅沐晟及徐亨譚忠等總兵助勦其始不救柳升及升陷又不進援引兵退回致賊勢猖獗亦復置之不問蓋宣宗早定棄朱崖之見故遂不行子王之誅耳而史獨謂弋謙諭死非罪謙官布政守土是其專責乃竟聽其議和棄地無一言救止視彼通智騏壽輩或可量從末減然又烏得云無罪哉

五月復遣羅汝敬等諭黎利立陳氏後

李琦還自交陟利遣使奉表謝恩詭言嵩于正月物故陳氏子孫絕國人推利守其國謹俟朝命帝亦知其詐不欲遽封復遣汝敬等諭利及其下令訪陳氏後并盡還官吏人民及其眷屬

贈恤交陟死事諸臣

先是交趾布政使弋謙以都指揮同知李任等死節事聞帝惻然曰大丈夫為國固當殺身成仁舍生取義任等可謂無愧矣至是贈李任為都督同知燕山前衛指揮使顧福昌江衛指揮使劉順廣西桂林中衛指揮使徐麒俱為都指揮同知交趾前衛指揮使事周安為指揮同知南寧衛正千戶蔡顥為指揮僉事燕山左衛副千戶桂勝為正千戶諒江府知府劉子輔諒山府知府易先俱為左布政司參政政平州知州何忠為府同知內官馮智為內官監太監召任等子孫承襲惟指揮陳麟嘗與朱廣開門納賊死不掩過恩

質實 何忠字廷臣江陵人與桂勝俱被拘罵不及 質實 不屈並忠子皆受害易先湘陰人自縊死周安守又安陷賊與陳麟奪賊刀殺數人皆自刎死所部九千餘人悉被殺

免北京被災夏稅

福為都督與都指揮朱廣薛聚于瓚指揮魯貴千戶李忠守又安為賊所圍福不與戰而率廣等降賊且教賊造攻具以攻東關時有官軍九千餘人欲焚賊營福告賊賊盡殺九千餘人遂攻昌江等城福歷說各城人出降至昌江清化為李任羅通罵而去黎利送福等歸京師鞠之伏罪命皆棄市藉其家

六月免陝西被災夏稅

自正月至五月不雨命勘實除稅是月又振山西饑

秋七月以顧佐為右都御史

朝官自有常祿
即或新易僕馬
所費較多又豈
可取給于人歟

帝召楊士奇楊榮諭曰祖宗時朝臣謹飭年來貪濁成風何也士奇曰永樂末已有之今為甚耳榮曰永樂末無逾方賓帝問今日誰最甚者榮對曰劉觀問誰可代者士奇榮薦通政使顧佐公廉有威為京尹

損清節乃當時
相沿成俗雖以
顧佐之廉公有
素亦不免為積
習所移實非大
臣潔清自矢之
義宣宗既知其
夫人同楊上奇
之言而給恩由
來即當別定章
程以別給獎
顧惟付之浩歎
姑息因仍明知
而不為之禁則
傷廉累下之風
伊于胡底尚成

政清弊革帝乃出觀巡視河道擢佐右都御史賜勅
獎勉命察諸御史不稱職者黜之佐視事即奏御史
不法及老疾者三十二人朝綱肅然于是御史交章
劾觀並其子輻諸賊污不法事遂逮觀父子下獄將
置重典特貸其死乃謫輻戍遼東而命觀偕往佐性
嚴毅每旦趨朝小憩外廬立雙藤戶側百僚過者皆
旋折避之入內直廬獨處小失室非議政不與諸司
羣坐人稱為顧獨坐云都察院吏許佐受隸金私遣
隸歸帝密示士奇曰爾不當舉佐廉乎對曰有之朝
官俸薄僕馬薪芻資之隸不得不遣半歸使出資免
役官得資費隸得歸耕永樂以來朝臣皆然即臣亦
然帝歎曰朝臣貧乃如此因怒訴者曰朕方用佐小
人輒敢誣之必下法司治士奇對曰細事不足干上
怒帝乃以吏狀付佐曰汝自治之佐召吏吏恐甚佐
曰上命我治汝汝改行吾當質實
質實
頭佐字禮
貨汝帝聞謂佐得大體益喜
卿太康人

八月皇子祁鈺生

宣宗次子賢
妃吳氏生

罷北京行後軍都督府及行部

初仁宗將還都南京設行後軍都督府及行部凡五
府六部文移申達必經行府行部多重複稽誤至是
帝命公侯伯尚書都御史翰林學士議于是張輔蹇
義等言北京既有府部行府行部宜罷從之其諸司
行在字至正
統六年始去

帝自將巡邊敗烏梁海濟勒默特之衆于寬河

帝次石門驛聞烏梁海濟勒默特萬餘人已入塞乃
留大軍於遵化而自率精騎三千人入二騎持十日

糧出喜峰口遇敵於寬河帝親射其前鋒殪三人分
鐵騎為兩翼夾擊之飛矢如雨神機礮並發烏梁海
人馬死者過半帝親率百餘騎追奔其衆望見黃龍
旂悉下馬羅拜請降遂生縛之斬其首渠命諸將搜
山谷獲軍器馬
駝不可勝計
質實寬河在今喀爾沁左翼南源出
寧遠州界石門驛
在遵化州西有鎮

九月帝還京師

帝親製詩歌勞將士
至京師謁告於廟

冬十月命中官郭敬鎮守大同

武安侯鄭亨久鎮大同治軍嚴肅撫士卒有恩常云
大同我國家後門我死後來者何人幸勿壞我家事

也當時凡中官鎮邊者總兵官往往畏之敬至大同亨與議事無所撓亨卒敬始縱恣

發明

明代以宦官監軍分鎮實自永樂始王安蒞譚青營馬靖鎮甘肅馬騏鎮交趾至則擅用

威福生事激變有濫觴之勢矣宣宗於閹豎尤加親信巡邊之使四出邊將皆為所脅制鄭亨鎮大同最久治軍嚴肅即敬至亦無所撓然則中官之滋擾邊庭者固由朝廷之偏任奸璫之弄權亦由為將者不能秉正持公整軍飭武致若輩無所忌憚得乘間而撓敗之此監軍誠為弊政而總兵又何可無略哉

十一月錦衣指揮鍾法保請採珠廣東下獄

帝曰此小人欲生事擾民質實

按明實錄錦衣指揮鍾法保言廣州有珠

池產大珠請同內官往採時宣宗斥之下獄以其請
采珠恐擾民也大政記作采珠砂誤今以明實錄為
正鍾法保廣州東莞縣人

十二月廣西總兵山雲討擒忻城蠻

忻城蠻譚團作亂雲討擒之斬首千五百餘級歸所掠軍民三百八十五人

質實

忻城縣唐置明

屬慶遠府今因之

己酉四年春正月兩京地震

北京是年震者三
南京震者七

夏四月山雲討平柳尋蠻

雲討平柳潯諸蠻冬雒客
蠻出掠遣指揮王綸破之
質實
雒客縣唐置屬柳州
明屬柳州府今因之

命工部尚書黃福平江伯陳瑄經略漕運

帝即位後命瑄守淮安督漕運至是瑄言濟寧以北
水道淤塞計用十二萬人疏濬半月可成帝念瑄久
勞命尚書黃福同經
理大臣督漕自此始

五月勅授交趾人不從賊者職

工部右侍郎羅汝敬奏交趾廣源州人閔顏岑斗烈
譚忠謹初以龍州地歸附授顏本貫知州斗烈判官
忠謹吏目黎利叛三人義不從利咸歸龍州顏臨終
屬其子元成曰受天朝官不可貳心從賊今顏已死
乞憫其忠量與元成等職事而處之善地帝命元成
仍為知州判官吏目職如舊俱於廣西布政司支俸

有司常
加撫恤

六月詔賊吏不得贖罪

御史王翱言官吏害民蠹政賊犯為甚今官吏罪無輕重運磚復職是貪黷者幸免廉潔者鮮勸非為治之道也請自今賊吏坐死但許贖罪不許復官從之未幾文職有贓罪納米者吏部請降一級用帝曰納米乃一時之權宜懲貪為立國之大質實

王翱字九皋鹽山人

初設鈔關

洪武定制有商稅而無船稅至是戶部尚書郭資言鈔法不行由商居貨不稅請行納鈔例御史羅亨信李奇耿定相繼言之乃沿兩京水道設關收鈔於是置潮縣濟寧徐州淮安揚州上新河許墅九江金沙

洲臨清北新諸鈔開量舟大小修廣而差其額謂之
船料不稅其貨惟臨清北新則兼收貨稅各差御史
及戶部主事監收
質實
鄆縣在通州南四十五里遼
鈔關之設自此始
鄆縣在通州南四十五里遼
州今併入通州上新河在今江寧縣江東門外稍南
五里許墅在長洲縣西北本名虎鰲唐諱虎錢氏諱
鰲改為許墅金沙洲在江夏縣西南大江中北新在
仁和縣北武林門外十里羅亨信字用實東莞人

秋七月幸文淵閣

駕幸文淵閣與少傅楊士奇太子少傅楊榮論經史
治政務悉召諸學士及史官諭之曰國史貴詳實卿
等宜盡心賜鈔有差以後數臨
質實
帝製詩在是年
幸置庖設饌并製詩賜士奇等
十月再幸同侍
者士奇榮外有金幼孜楊溥曾棨
王直王英李時勉錢習禮陳循等

九月放免南北監生

南北京國子監生年五十以上學無成效
及老疾者二百五十三人令還鄉為民

令天下學校生員兼習書算

北京國子監助教王仙言學校教養人材固當講習
經史至於書數之學亦當用心近年生員止記誦文
字以備科貢其於字學算法略不曉習乞令天下學
校生員兼習書算從提調正官按察司巡按御史考
試庶幾生徒才
可致用從之

發明

明太祖洪武三年京師及行省開鄉試三場
中式後書算曾與騎射律並試然亦祇場後
及之非取士之正則也二十五年又曾令儒學生
員兼習書算然不久即罷良以通經致用為重至

習書習算祇為游藝小道耳宣宗聽王仙言令天下生員兼習書算而又重以考校令之所在趨如流水德成藝成漸致無分本末豈造就人才之良法哉

冬十月帝製猗蘭操賜大臣

帝作猗蘭操示大臣曰孔子自衛反魯而操猗蘭傷不遇也朕慮谷中之賢有不仕者輒擬斯篇夫以人事君大臣之道也
質實 猗蘭操詞蘭生幽谷兮煜煜卿等宜勉副朕懷
其芳賢人在野兮其道則光
嗟蘭之茂兮與衆草為伍
於乎賢人兮汝其予輔

張瑛陳山罷

瑛與山先後俱為大學士直文淵閣帝以舊恩除之而瑛與山雖參機務無所建白帝浸厭薄之是月朔

帝御門遙見山趨朝問楊士奇曰陳山何如人對曰
山寡學昧大體帝曰然往者趙王事幾為誤遂命山
輟機務專授小內使書瑛
亦出為南京禮部尚書

閱武近郊

召豐城侯李賢等命之曰朕以農務既畢閱武近
郊命卿等居守遇機密重務計議即行仍馳奏
質

實

李賢豐城侯彬
之子彬卒嗣侯

十一月陽武侯薛祿帥師巡邊

祿充總兵官恭順侯吳克忠副之都
督譚廣武安侯鄭亨各選士馬聽調
質實 吳克忠蒙
古人恭順

伯允誠之子允誠舊名巴圖特穆爾永樂三年來歸
因賜姓名克忠初名達蘭允誠卒成祖更其名曰克

忠世襲父爵洪熙元年進侯諱廣字仲宏丹徒人。巴圖特穆爾舊作把都帖木兒達蘭舊作答蘭今俱改

庚戌 五年春正月少保兼太子少傳戶部尚書夏原吉卒

原吉與蹇義皆起家太祖時義秉銓政原吉筦度支皆二十七年時稱蹇夏名位先於三楊仁宣之世外兼臺省內參館閣與三楊同心輔政義善謀榮善斷而原吉與士奇尤持大體有古大臣風烈及是原吉卒贈太師謚忠靖。原吉有雅量嘗言處有事當如無事處大事當如小事若先自張皇則此中無主何能應事同列有善即采納之有小過必掩覆之呂震嘗傾原吉震為子乞官原吉以震有守城功為之請陳瑄初亦惡原吉顧時時稱瑄才或問原吉量可學乎曰吾幼時有犯未嘗不怒始忍于色中忍于心久

則無可忍矣。嘗與同列飲，他所夜歸，值雪過禁門，有欲不下者。原吉曰：「君子不以冥冥墮行，其敬慎如此。」

二月罷工部採木

帝諭侍臣曰：「為國之道，農事最急。今國家無大營繕，當束作時，而工部采運木植未已，豈不妨農事？凡已採之木，隨處堆積，軍夫悉罷遣歸農。」

下詔寬卹

帝以春和將下詔寬卹。先諭楊士奇欲蠲免災糧，寬民間追償畜馬士奇對曰：「聖念及此，真民生之幸。但今當寬卹者，尚不止此。因請免積欠薪芻，量減官田租額，部符米買，當按土宜法。司理刑務，敦平恕，工匠在京者，宜分戶丁之半還家。帝悉嘉納，命士奇即草勅行之。」

帝奉皇太后謁長陵獻陵

帝親橐鞬騎導太后輦至清河橋下馬扶輦畿民夾道拜觀陵旁老穉皆山呼迎拜太后顧曰百姓戴君以能安之耳皇帝宜重念帝奉太后過農家召老婦問所業賜鈔幣有進蔬食酒漿者太后取嘗之以與帝曰此田家味也皇帝宜知之扈從臣張輔塞義楊士奇楊榮金幼孜楊溥見太后于行殿太后慰勞之帝還見道中耕者取其耒三推顧侍臣曰朕三推已不勝勞況常事此乎賜之鈔凡所過農家皆賜之

質實

清河在宛平縣西北二十里上有廣濟橋永樂中建

夏四月薛祿帥師築赤城等處城堡

命祿帥師築赤城鵠鶚雲州獨石團山城堡勅大同宣府總兵官及府州各發兵夫赴役仍令以精騎防

豪強不鋤則不足
以安良扶弱
興利除害惟真
循吏能為之至
于慈祥豈弟僅
可論其宅心而

護皆聽祿節制并賜之詩有出車命南仲城齊維山
甫句祿稽首受賜退問楊士奇南仲山甫何如士奇
具以告曰上以古賢人待爾也祿拊心曰
祿武夫敢望前賢然上所命不敢不勉
質實
赤城
堡以
元赤城站置水經注沽水徑赤城東即此
本朝康熙三十二年改置赤城縣屬宣化府固山堡在明故
永寧縣西北十五
里今延慶州東

五月以郎中況鍾等九人為知府賜勅遣之

帝以知府多循資格不稱職曾雄劇地九郡缺守今
大臣舉京官廉能者用之乃擢鍾及郎中趙豫莫愚
羅以禮員外郎陳本深邵旻馬儀御史何文淵陳鼎
等皆賜勅俾馳駢之任及冬復用薛廣等二十九人
亦如之諸人俱有治績有居官至一二十年者吏稱
其職民安其業一時蒸蒸稱盛而其間尤著聲者況

吳決剛明必當
濟以茲事能吏
循吏歟有兩科
究歸一轍也必
以豫為勝鍾豈
知治體者哉

鍾趙豫鍾在蘇州務鉤豪強植良弱興利除害不遺
餘力奏免重賦七十餘萬石民有況太守民父母之
歌豫在松江一意拊循與民休戚在職十五年尤以
豈弟稱及去老穉攀轅留一履以誌遺愛時論謂鍾
為能吏而豫

質實

況鍾字伯律靖安人初以吏事尚書呂震奇其才薦授儀制司主事

遷郎中趙豫字定素安肅人以兵部郎中知松江莫
愚臨桂人知常州請減宜興進茶數禁公差官凌虐
有司嚴核上官薦劾之贊羅以禮桂陽人初知西安
尋移紹興建昌所至多惠愛凡二十七年乃致仕陳
本深字有源鄞人知吉安除豪強破盜賊為政舉大
綱不苛細即吳知武昌性忠直為政公平治三載事
舉興除馬儀知杭州有惠政民戴之即吳馬儀史失
傳里系何文淵字巨川江西廣昌人知温州減陸田
稅革軍倉弊利興害絕政聲大振陳鼎新興人知建
昌懲桀驁民畏法吏布教條施德意一時官校斂衽

四境

晏然

六月遷開平衛于獨石

洪武初李文忠克元上都設開平衛守之置八驛東接大寧古北口西接獨石永樂間大寧既棄開平勢孤至是遂徙開平衛于獨石棄地三百里盡失龍岡灤河之險邊備益虛

質實 八驛東曰涼亭泥河寨峯黃崖四驛接大寧古北口西曰桓州威鹵明安限寧四驛接獨石龍岡在故開平衛北一名臥龍山形勢雄險元上都北枕龍岡即此山也灤河源自口北開平東南流經遷安縣界至盧龍縣合漆河又南至樂亭縣入于海

發明

明初設衛開平與大寧古北口獨石相接為北邊之要鎮成祖初藉三衛以脅寧王迨事

成即以大寧地全畀三衛以償前勞不思大寧既棄開平之勢遂孤宣宗君臣又無深謀遠慮無端移鎮獨石以為耶固吾固竟至威國三百餘里夫祖宗之成業縱不能使闕地有加而武廊之版圖忽焉而自我侵削繼序其皇之謂何宣宗猶為明代令辟何計不及此而為此弗克負荷之舉耶

遣使捕畿內蝗

永平河間蝗諭戶部曰往年捕蝗之使害民不減于蝗宜知此樊因作捕蝗詩示之

秋八月己巳朔日有食之

陰雨不見禮部請表賀不許

命工部尚書黃福總理畿南山東河南淮北屯田尋罷

福上言永樂間雖營建北京南討交趾北征沙漠資用未嘗乏比國無大費而歲用僅給即不幸有水旱征調將何以濟請役操備營繕軍士十萬人於濟寧以北衛輝真定以東緣河屯種初年自食次年人收五石三年收倍之既省京倉口糧六十萬石又省本衛月糧百二十萬石歲可得二百八十萬石帝善之下行在戶兵二部議郭資張本言緣河屯田實便請先以五萬頃為率發附近居民五萬人墾之但山東近年旱饑流徙初復衛卒多力役宜先遣官行視田以俟開墾帝從之命吏部郎中趙新等經理屯田福總其事既而有言軍民各有常業若復分營田役益勞擾本等以聞事遂不行

九月更定在外罪囚贖罪例

除真犯外文職官吏犯賊者送京師如律處治軍職犯死罪者令納米贖罪畢日送京師調衛非贖罪則

不分輕重俱命納
米畢日送職役

以周忱為工部侍郎巡撫南畿

周忱巡撫南畿
如興水利減浮
糧設倉濟農一
切實心措置善
政頗多誠非苟
且董飾者所可
及若其告訐不
省一事則不得
謂之無失蓋多
事困虞其擾民
而刁健必宜于
懲治況南人好

帝以天下財賦多不理而江南為甚思得才力重臣
往釐之乃用大學士楊榮薦擢忱工部右侍郎巡撫
江南諸府兼督稅糧許便宜行事忱至召父老問逋
稅故皆言豪戶不肯加耗並徵之細民民貧逃亡而
稅額益缺忱乃創為平米法令出耗必均又請勅工
部頒鐵斛下諸縣準式革糧長之大入小出者舊例
糧長正副三人皆科斂充之忱止設正副各一人民
大便又於收糧設轄收總收法於運糧設撥運綱運
法以次就理時蘇州逋賦最多一郡積至八百萬石
而賦額亦較他府獨重官民田租共二百七十七萬
石而官田之租乃至二百六十二萬石民不能堪帝
屢詔減之忱乃與知府況鍾曲算累月減至七十二

訟自昔已然誠
能處置一二以
警其餘庶奸徒
知所斂迹若一
槩置之不問則
小人益無所顧
忌勢必閭閻競
起案牘日滋于
民又何利乎至
忱繼胡慨之後
寬猛相濟張弛
因乎其時欲為
簡易以便民未
嘗不可但因人
而許而以勅旨
為解則殊碍于

萬餘石也府以次減民因獲甦先是大理卿胡概為
巡撫用法嚴忱一切治以簡易凡告訐者輒不省或
面訐忱公不及胡公忱笑曰胡卿勅旨祛除民害
朝廷命我但云安撫軍民委寄正不同耳忱與吏民
相習若家人父子每行村落屏去騶從從農夫餉婦
相對從容問疾苦為之商略處置其馭下雖卑官冗
吏悉開心訪納遇長吏有能者則推誠咨畫務盡其
長故事無不舉嘗相視水利督濬崑山嘉定諸浦時
以匹馬往來江上見者不知為巡撫也是時與忱同
命者北畿山東曹宏湖廣吳政由員外郎江西趙新
浙江趙倫由郎中河南山西于謙由御史皆擢
侍郎為巡撫而忱與謙任最久政績亦最著
質實
轄收總收忱本傳忱見諸縣收糧無團局糧長即家
貯之曰此致道之由也遂命諸縣於水次置團圖設
糧頭團戶各一人名轄收至六七萬石以上始立糧
長一人總之名總收民持帖赴團官為監納糧長但

理豈知除害安
民本非二事去
稂莠正所以植
嘉禾而保善良
亦豈得不鋤敗
類徒高言清淨
而務為姑息養
奸又安能盡撫
綏之實耶

奉期會而已撥運綱運忱置二簿撥運記支撥起運
之數預計所運京師通州諸倉耗以次定支綱運聽
其填注剥淺諸費歸以償之又支撥羨餘存貯在倉
日餘米次年餘多則加六徵又次年加五徵曲算漢
徐岳數術記遺了算之法一位為一了字其了有三
曲其下股之末內主一外主九下次第一曲內主二
外主八當第二曲內主三外主七其第三曲內主四
外主六當了字之首則主五故首惟秉五腹背兩兼
濬嘉定崑山諸浦忱詣松江相視水利見嘉定上海
間沿江生茂草多淤塞乃濬其上流使崑山顧浦諸
所水迅流駛下壅遂盡濬崑山縣梁置元升州明洪
武二年降縣屬蘇州府今因之曹宏益陽人吳政麗
水人趙新字日新富陽人趙倫邠州人于謙字廷益
錢塘人宣德初授御史繼超遷兵部右侍郎巡撫河
南山

西

帝巡近郊

乙卯巡近郊命李賢張本顧
佐等居守已未駕還京師

帝巡邊至洗馬林閱武而還

丙子帝發京師丙戌至洗馬林適閱
城堡兵備召見諸將咸加賜勞乃還

十二月兩京地震

北京震者一
南京震者四

亥辛
六年春正月罷湖廣採木

先是工部奏往湖廣採辦材木并發民運舊所採木
赴南京至是帝聞湖廣旱災軍民艱苦遂罷其役

大雨雷電

是月十有五
日庚辰也

二月工部侍郎羅汝敬督陝西屯田

寧夏甘肅膏腴地時為鎮守官及各衛豪橫官旗所
占候不報官輸租其卑下瘠地則分與屯軍致屯糧
虧欠兵士饑困陝西參政陳琰言乞
遣官行視帝命汝敬往同三司經理

三月命考察外官自布政按察二司始

時巡撫江西侍郎趙新奏今方面官雖出身不同皆
由資格陞擢有臨政略無施設者有貪虐為非者名
與實異行與言違近吏部勘合令其考察郡縣官吏
已不能正焉能正人是以好惡不公去取多謬乞令

吏部先察布政司按察司賢否賢者留否者黜然後
可以責令考察帝是其言命自今考察外官必自二
始司

夏四月兵部侍郎柴車經理山西屯田

巡按御史張勛言大同地雖寒平原曠野種粟麥有
收其地多為軍官占據民無地可種日以貧困請遣
官往視占多者分與軍
民便帝命車往視之
質實
柴車字叔
與錢塘人

六月命黎利權署安南國事

四年春羅汝敬等還利復言陳氏無遺種請別命因
貢方物及代身金人又言臣九歲女遭亂離散後知
馬騏攜歸充官婢臣不勝兒女私冒昧以請帝心知
陳氏即有後利必不言然以封利無名復命李琦汝

敬齋勅諭再訪且以利女病死告之五年春琦等還
利遣使貢金銀器方物復飾詞具奏并具頭目耆老
奏請令利攝國政帝復以訪陳氏裔還中國遺民二
事諭之詞不甚堅至是利遣使謝罪以二事飾辭對
復進頭目耆老奏仍為利乞封帝乃許之命禮部侍
郎章啟右通政徐琦齋勅印命利權署安南國事利
雖受勅命居國僭稱帝紀元順天建東西二都東都
在交州府西都在清華府分十三道曰山南京北山
西海陽安邦諒山太原明光諒化清華又安順化廣
南各設承政司憲察司總兵使司置百官設學校以
經義詩賦二科取上
質實 徐琦字良玉錢
塘人寧夏衛籍
其制度多擬中國云

秋七月朵顏三衛市易

遣錦衣衛指揮齋勅諭三衛聽其來朝及往來
市易但嚴飭部屬恪遵法度毋輒侵犯邊境

微行至臣下私居惟宋太祖之于趙普曾一行之其意或在于陰行伺察然已不可為訓若宣宗果思士奇一言何難宣召入對而必以昏暮降臨乎迨後武宗踵為故事遂乃馳騎自如宣府大同盤遊不反皆宣宗臨謀

帝微行

漏下十二刻帝從四騎幸楊士奇宅士奇倉皇出迎頓首曰陛下奈何以宗廟社稷之身自輕帝曰朕思卿一言故來耳越數日帝遣內官問士奇微行有何不可對曰陛下尊居九重幽隱豈能遍洽萬一寃夫怨卒窺間竊發誠不可不慮後旬餘獲二盜如士奇言帝語士奇曰今而後知卿之愛朕也
獲二盜盜嘗殺人官捕之急遂私結約候車駕之玉泉山挾弓矢伏道旁林莽中作亂時有捕盜校尉亦變服如盜入盜羣中真盜不疑以其謀告之遂為所獲

冬十一月令官軍兌運民糧

北京初建水陸轉漕惟海運用官軍其餘皆用民運自開會通河後平江伯陳瑄改用官軍支運造淺船

之不暮有以啓之耳

轉漕之法明乎

屢更訖無良策

蓋終將雖閭閻

之職而飛輓則

宜掌之于官若

令里老承值富

戶充當即使全

無苛擾而常賦

外已多一力役

之征後雖改爲

支運而尚令民

運至中途及陳

瑄等議行兌運

似乎斟酌變通

三千餘艘時淮徐臨清德州各有倉江西湖廣浙江民運糧至淮安倉分遣官軍就近晚運自淮至徐以

浙直軍自徐至德以京衛軍自德至通以山東河南

軍以次遞運歲凡四次可三百萬餘石名曰支運既

而官軍多所調遣仍用民運道遠數愆期宣德四年

瑄及尚書黃福董理漕事建議復支運法乃令江西

湖廣浙江民運百五十萬石於淮安倉蘇松寧池廬

安廣德民運二百七十四萬石於徐州倉應天常鎮

淮揚鳳太滁和徐民運二百二十萬石於臨清倉令

官軍接運至京至是瑄上言民運糧諸倉往返經年

失誤農業若令民兌與附近衛所官軍運載至京給

與路費耗米則軍民兩便是為兌運帝命羣臣會議

吏部塞義等上言官軍兌運民糧加耗則例以地遠

近為差每石湖廣八斗江西浙江七斗江以南六斗

江以北五斗民有運至淮安兌與軍運者止加四斗

如有兌運不盡仍令民自運赴倉其不願兌者聽其

然不以收納責之有司兌歸之水次仍令軍民私相授受且兌運與支運參行法不歸于盡一民間蓋無所適從強弱不均弊端百出非恤民之善政也

自便兌運與支運參行軍既加耗又給輕齎銀為洪開盤撥之費且得附載他物皆樂從而民亦多以遠運為艱由是兌運者質實洪開謂徐呂二洪及會通河諸開多而支運者少矣

十二月中官袁琦有罪伏誅

琦自幼侍帝恃恩縱肆擅遣內官內侍假採辦名虐取官民財物事覺下錦衣衛獄籍其家金寶千萬計服用僭侈非法遂磔琦并戮其黨十餘人仍命都察院榜琦罪示天下

質實

按明實錄六年十一

月內官袁琦事覺下獄上以其所遣在外者尚多於是遣太監劉寧御史張駿李灝等往籍其贓及執其從人寧駿灝往直隸蘇松諸郡御史蔣彥廣往福建胡智往湖廣施信往江西高超往廣東劉禎往廣西胡敬往河南于奎往南京郭原往河間唐慎往直沽梁軫往四川雲南內裴可烈在蘇松諸郡貪暴尤甚

特命械繫至京時內使馬後公差還京至良鄉聞袁琦事自經有司以聞上曰此正與袁琦同惡害民者命戮其屍梟首于市又中官唐受以公差南京縱恣貪酷事聞捕至具服械赴南京磔梟于市十二月命磔琦而斬阮巨隊阮誥武荪武路阮可陳友趙誰王貴楊四保陳海等十人裴可烈亦下錦衣衛獄死

發明

袁琦一使令之宦者耳恃恩欺妄遂假采辦為名內官內使紛然四出虐取金銀動累萬計天下含冤無愬怨及朝廷其時風憲之官受其脅制無可如何流毒幾遍天下至是宣宗覺之遣御史分捕伏罪然官吏軍民受害已非一日誅之晚矣始不慎其幾而後復不絕其本宦豎之禍遂與明代相終始其為厲階者豈一朝一夕之故哉

太子少保武英殿大學士金幼孜卒

幼孜簡易靜默寬裕有容眷遇雖隆而自處益謙疾
革家人屬請身後恩幼孜曰此君子所恥也及卒贈
少保諡

忠靖

御定資治通鑑綱目三編卷八

欽定四庫全書薈要卷七千四百三十一史部

御定資治通鑑綱目三編卷九

起壬子明宣宗宣德七年
盡癸亥明英宗正統八年凡十二年

壬子七年春正月辛酉朔日有食之

勅羣臣謹天
戒免朝賀

賜中官金英范洪免死詔

賜英及洪免死
詔辭極褒美

三月復下詔寬卹

刑賞乃馭下大
權免死之券賜
諸功臣尚且不
可蓋執法則有
反汗之虞而四
貸易故擇綱之

弊仁義之施且由此而文困矣至金英等本官中小閹堅並未稍著微勞有何勲績足錄竟主詔書宥死且從而褒異之乎不知閹宦輩小人雖養若拉取得宜尚謹守不敢干犯少不檢察則蕩佚有之矣况假以茲奸縱之玩紀端幾乎明室羅任宦官

帝詔楊士奇諭曰卹民詔下已久今更有可卹者乎士奇因請撫流民減稅課察貪吏薦賢能京官三品以上及布按二司各舉所知備方面郡守選軍民中有文學勇畧者郡守察舉以聞極刑家子孫皆得仕進帝從之諭部臣曰朕以官田賦重十減其三乃間異時蠲租詔下戶部皆不行甚者約有司不得以詔書為辭是廢格詔令使澤不下究也自今令在必行毋有所遏乃出減租詩示之

夏四月免山西逋賦

山西早免逋賦二百四十萬石有奇

六月修天下府州縣倉

巡按湖廣御史朱鑑言洪武年間府州縣四鄉皆置倉積穀多者萬餘石少者四五千石倉穀老人監之

之樂至此至英
宗而大振宣宗
此舉固已開其
漸矣

富民守之遇水旱以貸貧民今皆
廢毀宜遵舊制俾旱潦有資從之
質實朱鑑字用明晉江人

作官箴戒百官

帝諭曰朕撫兆民實賴羣臣同心同力興起治功遠
臣既不得數見而人諭之近臣雖朝夕相接亦不得
數以言喻因取古人箴儆之意凡中外諸司各著一
篇使揭諸廳事朝夕覽觀然君臣有交儆之道凡在
位有以嘉謨告朕者尤朕
所樂聞也箴凡三十五篇
質實官箴三十五篇都督府六部都察院太常寺大理寺通政司詹事府翰林院左右春坊司經局六科光祿寺鴻臚寺國子監欽天監京府行人司錦衣衛中都留守司各都指揮司內外諸衛布政使按察使各府州縣王府鹽運司各儒學

秋七月揭函風圖于殿壁

帝閱內庫書畫得元趙孟頫所繪幽風賦詩命侍臣書于圖右而揭諸便殿之壁嘗夏日午朝退詠聶夷中鋤禾日端午句謂侍臣曰吾每誦此未嘗不念農人又嘗以所賦織婦詞示侍臣以見蠶事之勞苦

八月宥誹謗

有男子大呼西華門外語涉訛守門者執至帝前呼仍不已羣臣請下法司帝曰聖世設誹謗木以來諫者此人寧可罪耶其釋之

諭京官三品以上舉賢才吏部都察院黜方面有司不

職者

妄男子敢自禁門呼訛國有常刑自當執行法司按律以治初無庸好異矜奇也執至帝前已為非禮呼仍不已則罪更無可寬宣宗乃比之設謗木以來諫

帝曰近惟少傅士奇薦舉交趾南靈州知州黎恬等諸臣曠旬積月無一人焉嚴嚴窟穴豈皆虛哉吏部

釋而不誅擬既不偷宥尤過紙皆好古而不哀于道之失也

即會三品以上官推擇才行文學之士方質實清恬而有司昏懦貪暴者共與都察院奏黜之
人以進士擢御史與同列上章力諫大臣因薦知南靈州黎利反恬北歸至是以薦入翰林官至右春坊右諭德正統初卒士奇常稱恬在內為良御史在外薦良郡守云

置蘇州府濟農倉

故時公候祿米軍官月俸皆支于南戶部蘇松民轉輸南京者石加費六斗周忱奏請就給蘇松止與船價米一斗所餘五斗通計米四十萬石有奇并官鈔平糴米共得七十五萬石有奇置倉貯之又每歲民糴起運羨餘存貯在倉者曰餘米皆書諸冊而官掌之貧民借貸及綱運風漂盜奪者皆資給焉秋成抵數還官其修圩築岸開河清湖所支口糧不責償耕者借貸必驗中下事力及田多寡給之秋與糧並賦

凶歲再振其奸頑不償者後不復給忱與況鍾定為
條約以聞帝悉允行名其倉為濟農久之歲有餘羨
貧民不能償者多不追取忱在任二十年百姓不
知凶荒兩稅未嘗逋負後之巡撫江南者莫及焉
實
官鈔宣德七年江南大稔詔今諸
平糴府縣以官鈔平糴備振貸

免兩畿及嘉興湖州水災稅糧

癸丑 八年春二月錄囚

帝親閱三法司所上繫囚罪
狀命從寬典宥免五千餘人

三月賜進士宴于禮部

寧晉曹翬初由鄉舉授訓導願就別職改太和縣典
史七年督工匠至京師疏乞入試復中順天鄉試及

是舉進士一甲第一賜宴
禮部進士宴禮部自廩始
質實曹鼎宇萬鍾寧晉人

論內外官優卹軍士

違者風憲官
察奏罪之

兩京河南山東山西旱遣使振卹

各守臣皆奏民因災傷缺
食乞發官倉糧振濟從之

夏四月下詔寬卹

以旱災詔蠲京省被災逋租雜課免今年夏稅賜復
一年軍民乏食者所在官司驗口給糧如無官糧者勸
有糧大戶借貸待豐熟時抵斗償之勅直隸巡撫御
史在外按察使理冤獄減殊死以下赦軍匠在逃者

罪有司各舉賢良方正一人巡按御史按察使糾貪酷吏及使臣生事者

五月總兵官蕭授討平貴州烏羅蠻

永樂中授以右軍都督僉事充總兵官鎮貴州至是烏羅蠻吳不爾等叛討平之械送賊首等至京師命繫錦衣衛獄授在鎮二十質實烏羅在銅仁府西二餘年威信大行諸蠻惴服百置烏羅等處長官司永樂十一年改置烏羅府後廢府仍置長官司屬銅仁今因之蕭授華容人

山雲討平宜山蠻

唐西自韓觀卒後諸蠻漸構雲先後討平之及是擒殺宜山蠻寇蘇公夏等餘賊悉解散唐龍水縣宋改宜山縣以縣有宜山故名明屬慶遠府今因之

六月帝作閔旱詩示羣臣

禱雨不應
作閔旱詩

詔中外疏決罪囚

復振兩京河南山東山西湖廣饑免稅糧

秋七月免江西水災稅糧

江西自六月初旬以後天雨不止凡瀕江諸府大水
漂流居民淹沒田稻帝特命戶部察視有災處詔悉
蠲其租

八月汰冗官

裁行在戶兵工三部大理光祿鴻臚
行太僕寺及順天府官七十七員

閏月西域貢麒麟禮官請表賀不許

西域來貢麒麟諸物帝受之行在禮部尚書胡濙以
麒麟瑞物率羣臣稱賀帝曰遠方之物朕非有愛但
其盡誠遠來故
受之不足賀也
質實
胡濙字源
潔武進人

景星見

禮官請
賀不許

發明

國家以時和歲稔為上瑞麒麟貢自異域不
足言祥景星之見人事爾而天道遠兩皆請

賀不許宣宗可謂知本務矣胡濙以累朝舊臣不
思崇實政以襄邠治而乃侈言祥瑞屢表稱賀皆

首署名當時謂其性善承迎不虛也

九月遣使鞠天下重囚

帝曰朕體好生夙夜念刑三法司所決重囚憑案牘耳安得察顏色其庶明者分臨覲囚審覆不厭其心者奏獻之母輕率枉死人

甲寅 九年春二月振鳳陽淮安揚徐饑

三月山雲討平思恩蠻

廣西思恩蠻軍公砦等累年作亂至是討平之
斬賊首一千五百餘級仍督官軍搜捕餘黨
質實

思恩古百粵地唐置羈縻思

恩州明為思恩府今因之

夏四月黎利死子麟來告喪命權署安南國事

利受敕命居國稱帝僭位六年私謚太祖子麟繼麟
一名龍自是其君長皆有二名以一名奉天朝麟遣
使告訃命麟
權署國事

秋八月振湖廣饑

敕兩京湖廣江西河南三司官行視災傷蠲秋糧十之
四罷工部採辦

衛拉特托歡襲殺諳達阿魯台于穆納山

阿魯台為托克托布哈所襲妻子死孽畜畧盡獨與
其子碩尼堪等徙居穆納山未幾衛拉特托歡襲殺

阿魯台及碩尼堪托歡遣使來告且獻玉璽帝賜敕
曰王殺阿魯台見王克復世仇甚善顧王言玉璽傳
世久遠殊不在此王得之王用之可也使遣之阿魯
台子諤博爾濟延及其孫妻蘇默德斯等喪敗無依
來乞內附帝憐
質實
穆納山在今烏拉特旗西穆
納山舊作母納山烏拉特舊作
其情而撫之
吳喇武托克托布哈舊作脫不脫花碩尼堪舊作失
捏干諤博爾濟延舊作阿卜只俺蘇默德斯舊作速
木答思
今俱改

九月帝巡邊至洗馬林還

諸將言衛拉特獵所去洗馬林不遠襲之可大克也
帝曰朕此來飭邊備耳非為捕寇夜召問楊榮榮對
曰陛下屢遣人詔諭命其近邊獵牧故感恩而來若
擊之是前敕誘之矣且彼聞上至必先遁雖擊何益

徒失戎心耳乃決
意止將士勿擊

冬十月松潘番叛都督僉事方政討平之

六年松潘諸族及空郎龍溪諸寨叛總兵官陳懷討
平之八年御史及按察使奏懷僭侈踰分且日荒于
酒不飭邊備帝怒召懷命方政代擢參將蔣貴以副
之至是諸番復叛政諭以禍福多聽命惟順昌等
寨梗化政等分道進剿以次平三十餘寨捷聞進政
都督同知明年政移鎮大同而以貴代政為總兵官
鎮守

質寶

松潘諸族明史土司傳十三族長官司曰
勒都曰阿昔洞曰兆定曰牟力給曰路匝

曰祈命曰山洞曰麥匝曰者多曰占藏先給曰包藏
先給曰班班曰白馬路其後復隸松潘者長官司四
曰阿思曰思囊兒曰阿用曰潘幹寨安撫司四曰八
郎曰阿角寨曰麻兒匝曰芒兒者後又以思囊曰安

撫司附馬空郎龍溪諸案方輿紀要松
潘衙南歸化關左右有龍溪諸審案

振雨畿浙江湖廣江西饑

冬十一月免四川被災稅糧

四川奏旱潦不一所種無收
帝命戶部復視之蠲其租

十二月帝不豫

帝不豫衛王懋圉攝享太廟免明年正
旦賀禮命百官朝皇太子于文華殿

乙卯 十年春正月帝崩太子祈鎮即位

帝崩于乾清宮年三十有八遺詔國家重市白皇太
后行時太子方九齡外庭傳言太后取金符入內欲

召立襄王楊士奇楊榮率百官入臨請見太子太后
即至乾清宮攜太子泣曰此新天子也士奇等伏謁
呼萬歲浮質實乾清宮皇極殿後曰雲臺門東曰後
左門西曰後右門又東則景運門西

則隘中門中則乾
清門上則乾清宮

罷金銀硃砂銅鐵坑冶免其課

減稅鈔

悉如洪
武舊額

少師兼吏部尚書蹇義卒

義歷事六朝凡五十年帝即位齊甯府疾遣醫往視
問所欲言對曰陛下初嗣大寶望敬守祖宗成憲始

終不渝耳卒年七十
三贈太師諡忠定

罷十三布政司鎮守中官

其守備南京鎮守諸邊收糧
徐州臨清巡鹽淮浙者如故

加戶部尚書黃福少保參贊南京機務

留都文臣參機務自福始時襄城伯李隆守備南京
福以參贊常坐隆側然隆待福禮甚恭公退即推福
上坐福亦不辭福遇事先籌定付隆隆敬信悉從之
及視事皆隆處分福不出一語或以為言曰體當如
此且守備何守一事得由
是政肅民安遠近悅服

二月尊皇太后為太皇太后

鎮守中官襄唐
世監軍與政山
壽等激亂交趾
已事可徵即議
撤除于初次誠
為有益但收糧
巡鹽諸務均繫
民生國計亦非
可委任中涓至
南京守備諸邊
鎮守更儼然參
與軍謀其視各
布政司權守尤
重正當首行議

罷爾時三楊輔政不思永靖根株乃復瞻顧首尾使尚留萌莖不久而瑞患復熾遂不可除孽溥等豈得辭其咎哉

右左有請垂簾聽政者太后曰毋壞我祖宗法第罷不急務斥宮中玩好之物時時勗帝嚮學而已朝廷大政羣臣白太后太后令悉送內閣俟楊士奇等議決然後行太后兄彭城伯景鄴督昇惟令朝朔望毋得與聞國政昇素賢士奇等請加委任太后終不許

質實

彭城伯景鄴督昇皆彭城伯張瑄之子昭

皇后之兄也景從成祖起兵取大寧戰鄭村壩俱有功授義勇中衛指揮同知永樂初累官錦衣衛指揮使仁宗立擢左都督封彭城伯予世襲昇字叔暉成祖起兵以舍人守北平有功授千戶歷官府軍指揮會事仁宗即位升都督同知宣德初進階左都督正統五年封惠安伯予世襲

發明

景宗方九齡太皇太后患以朝廷大政安之楊士奇等可謂得人為大臣者正宜以道為

開預防其漸始為不負寄託士奇等乃以太后關予朝政遂有委任張昇之請未免意存迎合幸而

太后不許昇固素賢事亦遂寢然三楊實秉國鈞而委蛇瞻顧乃心王室者宜若是乎律以春秋責備之義當亦無可置喙云

尊皇后為皇太后

封弟祈鈺為成王

封平陽王羨圭為晉王

晉自清熹廢後不立王者已八年至是以羨圭紹封

三月放教坊司樂工

凡三千八百餘人

江西盜作亂僉事彭森等討平之

先是江西連年水旱人民艱窘有司不能振卹大盤
山賊曾子良等為亂眾至三萬屢撫不服森與吉安
知府陳本深率官軍民壯討之質實大盤山在撫州
本深以計擒斬子良餘眾潰散府樂安縣西北
山延袤數十里跨新淦永豐二縣界吉
安唐吉州元置吉安路明改府今因之

詔死罪必三覆奏

諭三法司死罪臨決三覆奏然後加刑其後太
監三振擅權旨者輒加誅戮不俟覆奏矣

發明

古者用刑明辟必以三刺唐臣徐堅上書云
今有三覆請如令覆奏要以人命至重慮其

失情故于勘問得實之後仍不憚再三審慎此即
求其生而不得之心也仁宗五奏未免過滋煩冗

英宗始有死罪必三覆奏之詔可謂慎誠良法惜行之未久而即為閹豎擅作威福竟不待覆奏而已
加誅則茲欽恤
之詔亦屬空文耳

夏四月以元儒吳澄從祀孔子廟庭

從慈利教諭
蔣明之請也

質實

慈利隋縣元升州明復為縣屬澧州今因之

五月詔自今初任者不得除風憲官

六月葬景陵

謚曰憲天崇道英明神聖欽文昭

質實

景陵在昌平州天壽山東

武寬仁純孝章皇帝廟號宣宗

葬下距長陵東
少北一里許

明史贊曰仁宗為太子失愛于成祖其危而復安
太孫蓋有力焉即位以後吏稱其政政得其平紀
綱修明給庖充羨閭閻樂業歲不能災蓋明興至
是歷年六十民氣漸舒蒸然有治平之象矣若乃
強藩猝起旋即削平掃蕩邊塵狡寇振
懾帝之英姿睿畧庶幾克絕祖武者歟

秋七月太白經天

八月減光祿寺膳夫

凡四千七

百餘人

九月詔四方毋進祥瑞

龍州宣撫司以瑞麥獻有一莖六穗七穗者詔曰今
旱蝗相望獨一方稱瑞如天下飢民何自今有若此

類者
無獻

釋御史陳祚主事郭循于獄復其官

宣德間請講大學衍義帝怒曰祚以朕為未讀大學耶薄朕至此不可不誅命籍其家逮其親屬同下錦衣獄婦女發沈衣局時拓西內皇城修離宮別館循為刑部主事極諫帝怒命戮以繼至大內親詰之循對不屈帝益怒手肘之亦質實陳祚字水錫吳人下錦衣獄至是皆赦復職郭循字極初廬陵人

以王振掌司禮監

振少選入內書堂侍帝于東宮為局郎及帝立年少振狡黠得帝歡遂越金英等數人掌司禮監導帝用

自宣德間袁琦
伏法內官已稍

知欽哉英宗幼
年踐昨政在三
楊益當整齊宮
府使宦豎有所
顧忌而少主亦
不致狎近宵人
況以太后委奇
之專計從言聰
王振雖為英宗
所寵而冲齡指
命並非不可挽
回即振權任未
重亦非有不可
扳之勢又何難
密啓東朝力加
裁制乃三楊不

重典御下防大臣欺弊于是大臣下獄者不絕而振
得因以市權然是時太皇太后賢方委政內閣閣臣
楊士奇楊榮楊溥皆累朝元老振心憚之未敢逆太
后嘗遣振至閣問事士奇擬議未下振輒施可否士
奇愠三日不出太后問故榮以寔對太后怒振仍令
至士奇所謝罪且曰再爾必殺無赦自是問數日
太后必遣使至閣問連日曾有何
事來議如何施行令具帖以聞
質實
王振蔚
州人

冬十月詔天下衛所皆立學

十一月戊辰朔日有食之

命楊士奇楊榮楊溥議臣民章奏

太皇太后委任三人三人同心輔政士奇有學行通
達國體榮謀而能斷溥有雅操淳謹小心每議事士

早為防微杜漸
輔道之職所關
實多至振南膺
司禮印欲泰預
閭事恣橫之機
已萌又不能力
特守正士奇徒
爾臥家不出于
事何裨使非太
后之問得以少
遇凶邪而振之
戮辱廷臣擅行
威福又何待八
年以後乎英宗
信用奸璫其失
固不待言而奏

奇引古義營出一言決之諸大臣爭可否或有質實
違言溥舍已從人眾無繫吝特論贊之號三楊
三楊以居第目士奇曰西楊榮曰東楊
溥嘗自書郡望曰南郡因目為南楊

阿爾台寇甘肅總兵官陳懋擊敗之

阿魯台既死其故所立阿爾台王子反所部多爾濟
已勒等復為托克托布哈所窘窟居額齊訥路外為
納款而數入寇甘肅至是陳懋
連擊敗之迨至蘇武山而還
質實
蘇武山在涼州
府鎮番州東南
三十里相傳漢蘇武收羝處山右有蘇武廟因名○
阿爾台王子舊作阿台王子多爾濟已勒舊作原爾
只伯今

俱改

丙辰英宗睿皇帝正統元年春正月發京軍屯田畿輔

成巨患致貽禍
國家于三楊誠
不能無責也

楊士奇言國家歲用糧儲皆自東南轉運軍民勞苦
今京軍操練外餘卒尚多宜令于北京八府屯田可
省南方轉運之費帝命戶部兵部議行之于是撥京
軍三萬就近地下屯又言先因巡邊調遣大寧都司
及南北直隸衛所官軍更番赴京操備今天下已靖
請不必赴京俱令下屯既省轉輸之勞又養精銳之
氣帝善其策質實北京八府謂順天保定河間
侯從容行之真定順德廣平大名永平也

三月始御經筵

楊士奇楊榮楊溥請開經筵并擇老成重厚識達大
體者數人以供侍讀之職太皇太后然之命士奇榮
溥及侍讀學士王直等為經筵官每十日會講文華
殿餘日仍講讀官四人入講經史○宣德以前儒臣
進講無定日亦無定所至是定於文華殿
以月之初二十二二十二共三日為定期

夏五月始置提督學校官

南京戶部尚書黃福言比來生員學藝疎淺宜令布政按察二司遍歷考試庶得真才于是兩畿及十三布政司各置提督學校官一員兩畿以御史十三布政司以按察司僉事著為令

秋七月復聖賢後裔

今有司訪求南宋衍聖公孔瑞友及宋儒周敦頤程顥程頤司馬光朱熹後裔蠲其徭役祀墓傾圮者修之

雨畿山東河南陝西湖廣廣東大水

八月以右都督蔣貴充總兵官都督同知趙安副之帥

師討阿爾台多爾濟巴勒

貴自松潘召還為右都督會阿爾台濟爾多巴勒數犯甘涼邊將告急乃命貴及安往討未出師敵又犯莊浪都指揮揮江源戰死亡士卒百四十八鎮守甘肅侍郎徐晞上章劾貴廷議以貴方選軍甘州勢不相及而莊浪王晞所統貴晞委罪置貴不問明年春謀報敵駐賀蘭山後詔貴等出塞逐之貴至魚兒海子都指揮安敬言前途無水草軍遂引還

質實

莊浪元路尋降州明改縣屬靜寧州今屬平涼府魚

兒海子在今涼州府鎮番縣東北即白亭海古休屠澤也趙安扶道人徐晞江陰人

始徵金花銀入內承運庫

初州縣歲賦有折銀者俱南京供武臣之俸祿及北京既建各衙官支俸南京道遠費多所餘無幾副都

御史周銓請於直省不通舟楫之州縣拆收白金布絹赴京充庫巡撫江西侍郎趙新尚書黃福亦為言帝問尚書胡濙濙言太祖時嘗行於陝西浙江民以為便乃仿洪武制米一石折銀二錢五分麥亦如之南畿及浙江江西湖廣福建廣東廣西共折銀百萬餘兩下送南京盡解內承運庫謂金花銀除給放武臣俸餘專供內用其後概行於天下自起運兌運外糧四石折銀一兩解京以為永例由是諸方賦入折銀者幾半而倉廩實歲賦折銀明史食貨志洪武之積漸少虧矣九年天下稅糧許民以銀鈔代輸于是謂米麥為本色諸折鈔者謂之折色內承運庫在東下馬門周銓懷遠人

九月遣侍郎何文淵王佐副都御史朱與言督兩淮長

蘆浙江鹽課

勅曰命爾等與內臣提督務俾鹽丁得所商販無滯
國課不虧奸弊殄絕有不便于民者具實以聞其阻
撓鹽法情犯重者械送質實王佐海豐人朱與
京師欽差巡鹽自此始言字一鶚萬安人

發明

明太祖初起即立鹽法以官領之洪武時諸
產鹽地次第設都轉鹽運使各省皆有鹽課

而兩淮兩浙長蘆為首重矣宗既遣侍郎副都御
史巡鹽已足釐整奸弊而又令其與內臣提督其
信用閹豎如此迨憲宗以後諸璫竊勢甚至奏討
淮浙鹽無算且買充正課之外復奏開殘鹽夾帶
影射諸患百出鹽臣希承風旨更列零鹽所鹽之
目于是鹽法日益壞矣明季信任宦官諸事皆然
豈獨一
鹽政哉

封黎利子麟為安南國王

初利死以其子禕推知國事禕遣使入貢謝恩至是
平四月以宣宗赴遼使進香又以帝即位及尊上太
皇太后皇太后位號各遣使來賀貢方物閏六月復貢
帝以陳氏宗支既絕麟事朝廷甚恭欲使麟正位
下廷議咸以為宜乃遣兵部
侍郎李郁等齎勅印往封之
質實
李郁洛陽人

冬十一月詔廷臣舉堪任御史知縣者各一人

詔京官三品以上舉堪任御史者四品
及侍從言官舉堪任知縣者各一人

十二月下兵部尚書王驥于獄尋釋之

王振初用事欲令朝臣畏已會驥議進事五日未奏
振教帝召驥而責之曰卿等欺朕年幼耶遂執驥及
右侍郎鄺瑤下獄尋釋之未幾右都御史陳智勅張
輔回奏稽延并劾科道不舉奏帝釋輔不問杖御史

給事中各二十自是言官承振風旨屢撫大臣過自
公侯駙馬伯及尚書都御史以下無不被劾或下獄
或荷校至諫質實王驥李尚德東鹿人廊壁字益
諫殆無虛歲質實王驥李尚德東鹿人廊壁字益

丁巳 二年春正月太皇太后召見大臣于便殿

誠孝太后既對
諸大臣數責王
振且以刃加振
頸不得謂無必
殺之心使五臣
能因勢而贊成
之則去大慈易
於反掌乃五臣
不但顯言其
惡且為之長跪
太皇太后御便殿帝西面立后傍召張輔楊士奇楊
榮楊溥胡濙入見五人東面稍下立太皇太后諭曰
卿等老臣嗣君幼幸同心共安社稷又召溥前曰先
帝念卿忠屢形愁歎不意今復得見卿溥泣太皇太
后亦泣左右皆悲愴始仁宗為太子居守時以譏故
官僚多下獄溥及黃淮一繫十年瀕死者數以仁宗
每于宮中言及東宮時事慘然不樂以故太皇太后
言之太皇太后又顧帝曰此五臣先帝簡任俾輔後
人皇帝萬幾宜與五臣共計有頃宣王振至太皇太
后頓首曰汝侍皇帝起居多不律今當賜汝死時女

致請轉若重為
中救者良由諸
臣阿順幼主為
身後計故爾隱
忍保全致貽奸
惡之禍而不得
諉之誠孝太后
之優柔寡斷矣
且如太后于兄
果升背棄其不
得干預國事可
謂深知大體而
三楊則於果昇
請加委任私意
揣摩若此又奚
有於王振乎

官雜佩刀劍侍遂以刃加振頸帝跪為振請五臣皆
跪太皇太后曰皇帝年幼豈知此輩自古誤人國家
我聽帝暨諸大臣留振此後不得令干國事也振故
心憚太皇太后自此稍欲戢已而太皇太后病遂致
麾下可制矣

夏四月免河南免災田糧

五月遣王驥經理甘肅邊務

蔣青趙安帥師出塞既無功而侍郎柴車徐晞都御
史曹翼相繼慙怙違備皆不能禦敵帝命驥往許便
宜行事驥疾馳至軍大會諸將問將校往時追敵魚
兒海先退者誰僉曰安收驥先承密旨戮敵遂縛斬
軍門并青青曰汝大將亦當死姑貸汝立功自贖諸
將皆股慄莫敢仰視于是校閱將士分兵畫地使各

自防禦遼境肅然尋還報命會阿爾台復入寇帝命
驥帥都督任禮及貴失擊之驥遣貴為前鋒而自與
禮統大軍繼進且戒貴曰不捷無相見也貴擊敵石城
走之驥及禮復敗之胡桐林安等又及之多喇爾追
至黑泉而還是役官軍出漢千餘里諸將左右夾擊
賊敗幾盡先後獲其部長百五十人阿爾台多爾濟
巴勒皆速遁尋為質實石城在今甘肅府遼外故居
托克托布哈所殺延城北胡桐林多喇黑泉俱
在頭齊訥路按胡桐木名漢書西域傳注胡桐似桐
蟲食其葉而沫出下流者俗名胡桐波可以汙金銀
即此舊誤作梧桐非是曹翼新州人任禮
字尚義臨漳人○多喇爾舊作刁力今改

免陝西平涼六府旱災夏稅

命戶部遣官勘實蠲之

詔旌出穀振荒者為義民復其家

時義民十人各出稻千石有奇佐

質實

十人胡有初謝子寬吉安

府人范孔孫浮梁縣人于敏倫次縣人輩得海邳州人張雷石州人梁璧李成亦勝徐成俱淮安府人

六月以采儒胡安國蔡沈真德秀從祀孔子廟庭

肇慶知府王堂等以安國作春秋傳沈作書傳德秀作大學衍義有功于聖門請從祀孔廟下禮部議奏稱堂等言是故有是命

振江北河南饑

南直之鳳陽并淮安揚州諸府徐和滁諸州河南之開封諸府奏四月至五月雨河淮泛溢民居漂沒將

流徙乃命右副都御史賈諒質實賈諒字子信澤縣人鄭辰字文樞浙

西安人

秋九月以指揮僉事楊洪守脩獨石

洪初副李謙守脩赤城獨石謙老而怯與洪不相能洪嘗勸將士殺敵謙笑曰徒殺吾人耳敵可盡乎御史張鵬劾罷謙遂以洪代洪紀律嚴明降塚修簡數與烏梁海戰斬其渠寇名聞嶺北稱楊王質實

楊洪字宗道六合人

戊午三年春三月京師地震

己亥夜四鼓地震五鼓復震庚子夜又震甲辰晝震至暮又震

振陝西饑

夏四月設大同馬市

刑部尚書魏源等以衛拉特貢馬援遼東開元例以六事聞曰置馬市選貢馬輸貢具嚴禁約擇通事設牙行帝以馬市勞軍民不必置待遠人宜厚馬不必選供具取給公帑勿擾民餘如議巡撫大同食都御史盧詹復言大同質實魏源字文淵建昌縣人宜立馬市從之盧詹字東陽人

秋七月下禮部尚書胡澂等戶部尚書劉中敷等于獄尋俱釋之

禮部失印命速溆等下錦衣衛獄獄具而盜得先是軍官俸糧于通州支給中敷等令于京倉支給中官

諷給事中御史劾奏質實
別中數
故有是命尋皆釋之
大興人

八月振陝西饑

令雜犯死罪以下輸銀
贖罪送邊吏易米振之

九月蠲兩畿湖廣逋賦

凡免糧六十四萬石以正統
元年二年連被災傷故也

冬十一月逮天下逋逃工匠四千餘人

宣德間徵天下軍民工匠多所興造帝即位悉罷之
未幾建宮殿修九門改造五府六部諸司公署又建
京城內外諸佛寺工役繁興匠多逃者二年二月以
後已逮六千餘人至是又逮四千二百餘人後又逮

萬人逮至者皆桎梏赴工
六年夏以盛暑始脫桎梏

發明

國家大工大役原有當舉但役之有道董之有方何至役而逃逃而被逮至千萬餘人并

令桎梏赴工豈復成政體乎英宗即位初既懲宣德土木罷徵軍民軍匠曾未幾時乃繁興而加之厲其於初政何不克有終若是乎

十二月下刑部尚書魏源等于獄

先是巡撫湖廣侍郎吳政等奏遼王肯綮諸不法事而匿其蹟倫罪詔逮政等命三法司鞠之原等論政罪不當遂逮源等及都察院右都御史陳智等下獄命張輔等會問逮獄論吳政等規避下奏當斬明年閏三月釋源智等復其官并有棄文質實貴烜簡趾王通馬麒罪及戈謙俱罷為民王植子

己未四年春二月總兵蕭授平貴州叛苗

貴州計沙賊苗金蟲苗總牌等糾洪江生苗作亂偽立統千候統萬候號授督兵分攻大破之都督同知吳亮追斬苗總牌等生苗盡降授之質實計沙苗多以其所居曰苗沙洞在黎平府城南三郎司西洪江即洪州江在黎平府城東洪州司北吳亮來安人

三月大赦

以春和下寬卹詔殊死以下罪無大小咸赦除之蠲逋稅

遼王貴烺有罪廢為庶人

初府僚乞加王祿不許及貴烺杖殺長史笞荊州知府為撫按官所劾帝亦聞其內亂詔訊俱服廢為庶

人俾守簡王園已封
其弟貴煖為遼王

夏五月京師大雨水溢

壞官廨民居三千三百餘區貧民露宿長安街皆滿
以京畿水災告祭天地諭羣臣修省下詔寬卹求直
言

六月慧星見

長丈餘五十
四日乃滅

京師地震

八月
又震

秋七月免兩畿山東江西河南被災稅糧

凡免秋糧二十
一萬三千餘石

冬十二月都督同知李安僉都御史王翱討松潘祈命

族叛番

松潘指揮趙得奏祈命族番寇桑巴作亂官軍捕禽
之其弟小桑巴復聚甫江新塘等關據險劫掠帝命
李安充總兵官王翱參贊軍務調官軍土兵二萬討
之已翱知指揮趙諒誘執國師桑巴掠其財與同官
趙得誣以叛至則出桑巴于獄遣人招其弟撫
定餘黨而誅諒戍得復桑巴國師松潘遂平
質實

浦江關在松潘衛南一百二十里今名鎮江關新塘
關在松潘衛南七十里亦名新鎮關○桑巴舊作蔣

巴今政

甲申五年春正月少保南京戶部尚書黃福卒

福歷事兩朝多所建白公正廉恕素孚于人當官無赫赫名事微細無不謹憂國忘家老而彌篤安南貢使入朝或指福問曰識此大人否對曰南交草木亦知公名安得不識其卒也賜謚不及士論惜之至成化初始贈太保謚忠宣

二月以翰林院侍講學士馬愉侍講曹鼐入內閣預機務

楊榮謂當擇後生可任者一言而釋振意其計慮誠高于士奇然亦不過善自為謀耳若云進賢以輔政則殊不然夫以三楊

欽定四庫全書

御定資治通鑑綱目三編

三

王振至內閣語楊士奇楊榮曰朝廷事久勞公等公等皆高年倦矣當若何士奇曰老臣盡率報國死而

同心政府老成
之望敬愿之久
併力以圖尚於
奸端不能絲毫
疑損復之資新
望淺者又安冀
其與之相抗耶

後已榮曰不然吾輩衰殘無以効力當擇後生可任
者報聖恩耳振喜而退士奇咎榮榮曰彼厭吾輩矣
一旦內中出片紙令某人入閣且奈何及此時進一
二賢者同心輔政尚可為也士奇以為然翌日列愉
為及侍講學士苗衷侍講高質實馬愉字性和臨胸
較名以進愉為遂先被擢用
遠人高穀字世用揚州興化人同曾為
共四人皆帝初御經進士奇等所薦

三月建北京宮殿

永樂中宮闕未備奉天華蓋謹身三殿成而復災以
奉天門為正朝至是重建三殿並修繕乾清坤寧二
宮役工匠官質實坤寧宮乾清宮中則
軍七萬人交泰殿上則坤寧宮

夏四月免山西旱災逋賦

六月兩畿山東河南浙江江西大水江河皆溢

陝西大雨雹

深尺
餘

度僧道二萬餘人

王振喜釋道每歲必一度之是年五月以前已度二萬一千人至是又度前後共二萬二千三百餘人黃冠緇衣布滿街市僧道之多莫逾於此

發明

王振擅權以後窮極奢侈既建第皇城東又建智化寺繁興土木滋害軍民乃又歲度釋

道前後至二萬餘人之多緇黃滿街濫費無度徒以詭佛奉道卒至蠹國擾民敗壞天下其害可勝

言哉

秋七月遣刑部侍郎何文淵等分行天下修荒政

從楊士奇請也時太皇太后專以養民為務每四方水旱振濟動億萬計蠲免災糧或數百萬石閭閻安樂雖災不為言迨王振用事悉反初政惟蠲租振荒尚乃之不改云

少師謹身殿大學士楊榮卒

先是正統三年榮與士奇俱進少師至是春乞歸省墓比還至杭州卒年七十贈太師謚文敏授世襲都指揮使○榮歷官五朝謀而能斷成祖初與解縉等七人同入閣榮年少最警敏一日寧夏報被圍成祖示以奏榮曰寧夏城堅人皆習戰奏上已十餘日圍解矣夜半奏至圍果解成祖與諸大臣議事未決或

至發怒榮至輒齊成事亦隨決李時勉夏原吉皆以
榮言得無死嘗語人曰事君有體進見有方以悻直
取禍吾不為也故其恩遇亦始終無間性喜賓客雖
貴盛無稍崖岸士多歸心或謂榮處國家大事隨機
應變不愧唐姚崇而
不拘小節亦頗類之

冬十一月河南僧楊行祥詐稱建文帝下錦衣衛獄尋

死

有僧年九十餘由雲南至廣西自稱建文帝命其徒
清進詣思恩府土官知府岑英執送總兵官柳溥械
至京會官鞠之僧乃言其姓名為楊行祥河南鈞州
白沙里人洪武十七年度為僧歷遊兩京雲南貴州
至廣西帝令錦衣衛緝禁之四
賈實明吏牛景先傳
踰月死從者十二人皆戍邊

楊行祥之事無識者或以為疑案不知遜國之說本屬荒唐當時謬語流傳既久民間遂信以為真且其去革除時年代漸遠黨禁漸弛行祥習聞其說希圖當肯遂假其名號以為僥倖之謀觀所稱年齒之不相符合其為無知妄造情狀昭然此與漢

亦為僧出亡莫知所終之語然旁采見聞未嘗據以為實而楊行祥一事見明正統實錄當時記載家每多附會傳訛有以楊行祥作楊應能而建文托其姓名以逃者見憲章錄謂思恩州岑瑛遇一老僧于道從者呵之不避因請其度牒檢之乃楊應能遂自言曰此非吾姓名乃托此而逃也自金川失守大內火起吾遂由地道出自湖湘入蜀至雲南最後入廣西至橫州南門壽佛寺居焉居十五年歸者日眾吾復往南寧陳步江一寺而歸者如之乃去南寧雲遊四方以度歲月迺遷至此老朽侍盥願送骸骨歸瑛大駭聞于巡按御史奏之驛送赴京疏老佛及至京朝廷未審何人以尚膳太監胡亮建文時內使使審視老佛見亮曰汝非吳亮耶亮曰不是曰我昔御便殿乘片肉于地汝伏地飽食之何為不是遂取老佛入西內居之有以建文居寺一目自稱建文帝為僧白官府者見遜國記謂建文出自滇南呼寺僧曰我建文皇

時冒御太子特
車詣闕事正同
一律更何所致
疑乎乃後來附
會者或以迎之
歸大內或以為
沒葬西山耳食
傳說紛紜無據
真無異癡人說
夢耳

帝也僧大懼白官府迎至藩堂南面跣足坐地白稱
朱允收曰胡深訪張儼謂實為我眾悚然聞于朝乘
傳至京有司皆以王禮見入居大內以壽終葬西山
不封不樹有以楊行祥作應祥為建文同寓僧追繫
僧而并及帝者見明史紀事本末謂建文喜為詩廣
西同寓僧竊帝詩自謂建文帝詣思恩知州岑英英
聞之藩司因繫僧及帝輩幸以聞至京御史鞠之便
稱年九十餘且死思葬祖父陵旁耳御史言建文居
生洪武十年距正統五年當六十四歲何得九十歲
庶其狀僧實楊應祥僧論死帝適有歸思白其賢御
史密以聞于是迎入西內宮中呼為老佛以壽終葬
西山傳聞異詞往往失實皆不可信也鈞州金置明
神宗時遊薛改禹州屬開封府今因之白沙里即白
沙鎮在禹州城西北六十里柳潯懷寧人升之子

辛酉
六年春正月乙亥朔欽天監言日食不應

禮官詰未
賀不許

以蔣貴為平蠻將軍王驥總督軍務討麓川蠻

洪武中麓川平緬宣慰司思倫發為其頭目刁幹孟
所逐赴京陳訴太祖仍命為宣慰回居麓川成祖時
分其地設府三曰孟養木邦孟定長官司四曰潞江
干崖大侯灣甸尋又陞孟養木邦為宣慰司久之孟
養木邦與緬甸相仇殺時思倫發已前死子行發任
發相繼襲職任發性保默喜兵遂欲乘機侵奪盡復
其故地稱兵擾南甸哭干崖進陷騰衝屢詔撫諭不
受命黔國公沐晟請發兵進勦帝命都督方政會晟
及其弟昂兵討之任發佯言遣使修貢冀緩師晟遽
信其降無渡江意任發仍遣衆萬餘奪潞江沿江造
船三百艘欲取雲龍帝以賊勢日甚責晟等玩寇養
患會政亦至軍欲出戰晟不可造舟欲濟師晟又不

許政不勝憤乃獨率麾下擊賊破其大寨又追敗之高
黎共山下斬首三千餘級乘勝突入逼任發于上江
上江賊重地政遠攻疲甚求援于晟晟怒不遣既而
以少兵往至夾象石又不進政不得已渡江賊知其
孤軍無援也遂出象陣衝擊全軍皆沒事聞朝廷切
責晟晟懼罪暴卒勅昂代統其軍久亦無功思任發
由是愈橫既乃遣其頭目以象金銀來修貢且請
罪帝用楊士奇言降敕許赦其罪侍郎何文淵亦請
罷兵遣官招諭命下廷臣議皆如文淵言而王振方用
事欲示威四夷先已召還甘肅總兵官蔣貴等使待
命尚書王驥揣知振意力主用兵振大悅遂絀廷議
以貴為平蠻將軍都督同知李安僉事劉聚為副驍總
督軍務遂大發東南諸道兵十五萬
人討麓川侍講劉球上疏諫不聽
質實
按沐晟之
謂飲藥死明史作晟懼罪暴卒大事記獨謂上江賊
重地不可易視前軍輕銳中軍當自持重勢不相及

以致敗沒未可以是以尤歲得疾而卒非由耀罪然考
明史土司傳晟初無渡江意遂致思任發奪潞江取
雲龍勢益日甚英宗責晟等玩寇養患時政欲出戰
晟屢不許及擊敗賊又不肯援是縱賊于前坐視于
後償贖之咎實無可逃其為懼罪暴卒明史當可據
潞江長官司蠻名怒江甸元置柔遠路明洪武十五
年改府後廢屬麓州平緬司永樂元年析置路江長
官司十六年升安撫司今司屬永昌府干崖長官司
蠻名干賴賧又名渠瀾賧元置鎮西路明洪武十五
年改府後廢屬麓州平緬司永樂元年析置干崖長
官司正統九年升宣撫司今司隸騰越州大侯長官
司蠻名孟祐元屬麓州路洪武二十四年置大侯長
官司後廢屬麓州平緬司永樂元年後置宣德三年
升州萬歷二十四年更名雲州屬順寧府今因之灣
甸長官司蠻名細賧元屬鎮康路明洪武十七年置
灣甸州後廢屬麓州平緬司永樂元年析置灣甸長

官司尋復改為州令仍為土州隸永昌府緬甸古朱
波地在永昌府西南雲龍唐初為匡州西境蒙昏雲
龍甸段氏因之元置雲龍甸軍民府明洪武十七年
改州屬大理府今因之上江即龍川江原出騰越州
徽外流經麓川為麓川江下流入大盈江蠻人以江
在麓川者為上江近騰越者為下江夾象石在騰越
州東龍川江東岸渡江而西即高黎共山麓也
劉聚大監劉永誠從子劉球字廷振福安人

三月下巡撫侍郎于謙于獄既而釋之

謙巡撫山西河南十二年成惠大行每入京師無私
謁王振銜之謙以在外久乞召還薦參政王來孫原
貞自代右通政李錫阿振指劾謙以久任不遷怨望
擅舉人自代會謙來朝遂下法司論死繫獄三月得
釋左遷大理寺少卿山西河南吏民伏闕上書請留
謙者以千數乃命復原官時山東陝西流民就食河

南者二千餘萬，謹請以河南懷慶二府積粟振之。質
今布政司撫集其家，授田給牛，耕種流民，以安。

賈

王朱守原之慈谿人，孫原
貞名瑞，以字行，德興人。

夏五月太白經天

遣使錄囚

先是以災異遣使省天下獄，獄至是復遣刑部侍郎
何文淵等錄在京刑獄巡撫侍郎周忱等錄南京刑
獄。

秋七月振浙江湖廣饑

九月奉天華蓋謹身三殿乾清坤寧二宮成

宮殿成宴百官故事中宮不與外廷宴是日帝遣使問王先生何為王先生謂王振也帝在宮中呼振先生而不名使至振方大怒曰周公輔成王我獨不可一坐耶使復命帝感然命開東華中門召振至百官候拜于門外振始悅

發明

振一宦侍耳始以狡黠得幸繼以跋扈弄權英宗乃傾心聽之褒之以賜勅且稱之以先生與漢靈帝張父趙母之稱先後一轍無怪當日公侯勛戚羣呼翁父尚書侍郎下且有稱兒屈膝者朝廷上下恬不知耻振罪固大英宗抑何迷謬若是哉

冬十月下戶部尚書劉中敷于獄

中敷與侍郎吳璽陳瑋以京城草束不足請供御牛馬分牧民間言官劾其變亂成法並下獄論斬詔荷

校長安門外凡十六日而釋閏十一月衛拉特入貢
詔問馮駝芻菽數中數等不能對王振言于帝復下
獄論斬踰年釋中
數為民重瑞戍邊
質實
興望邵武人
陳瑞孝感人

免畿內被災稅糧

進蘇州知府況鍾吉安知府陳本深秩正三品

鍾起刀筆然重學校禮文儒剛正廉潔孜孜愛民前
後守蘇者莫能及鍾先丁母憂當去郡民詣闕乞留
詔起復任及秩滿請再任者二萬餘人走訴巡按御
史詔正三品仍視府事及卒于官吏民聚哭為立祠
之本深為政大猶殲除府中無事間有訟者呼至榻
前析曲直遣之久之民耻爭訟秩滿當遷郡人乞留
一如況之在蘇詔亦進正三品視府事前後守吉安
十八年政化大行一日升堂聞鼓樂聲問知縣前民

嫁女本深笑曰我來時乳下兒也今且嫁
我尚留此耶遂請老既去郡人肖像祀之

十一月大赦

以宮殿成大赦定都北
京文武諸司不稱行在

免河南山東及鳳陽等府被災稅糧

凡免四十四萬
三千四百餘石

十二月王驥等克麓川思任發走孟養

驥瀕行賜驥與蔣貴金兜牟細鎧蟒緝緋衣朱弓矢驥請
得以便宜從事馳傳至雲南將抵金齒賊酋守鎮康者遣
人乞降驥受之密部署諸將分三道進取右參將冉保由
東路攻昔刺寨趨孟定驥與貴由中路趨上江副總兵劉

聚右叅將宮聚自下江夾象石合攻賊立寨堅守銃弩飛石交下如雨攻五日不下會大風官軍縱火焚柵斬首五萬餘級遂拔其寨由天象石渡下江通高黎共山道至騰衝由羅卜思莊長驅抵杉木籠山賊乘高據險築七壘相救驥遠將分左右翼緣嶺而上自將中軍奮擊賊大潰連破之乘勝至馬鞍山進搗賊巢山陡絕深塹環之東南面江壁立不可上賊更從間道潛師出大軍後驥戒軍中無動而令都指揮方瑛以六千人突入賊寨瑛直前左右擊斬數百人殲死者無算又誘敗其象陣會再保亦由東路破諸蠻寨以兵來集驥令截守西戕渡防賊軼乃分督諸將四面環攻風忽大作復縱火焚死者不可勝計溺江死者又數萬人思任發携其二子走孟養犁其穴獲其虎符金牌及印章三十有奇驥留兵守之而還捷聞進貴爵定西侯驥封靖遠伯餘遷賞有差惟副總兵李安以攻餘賊敗績下獄論死

質實

鎮康蠻名石跋元立鎮康路明政府尋改州今為土州屬永昌府昔刺寨在鎮康州南羅

卜思莊在南甸司南七十里木龍山在南甸司南一百里
馬鞍山在隴川司北石碛中流溫泉成河熱如沸湯西義
渡在芒市司南路通木邦方瑛政之子初
張指揮使已論政死事功遷都指揮同知

壬戌七年春二月帝如天壽山

二月庚申如天壽山謁長陵
獻陵景陵三月甲子還宮

夏四月雨畿山東山西河南陝西旱蝗

先命吏部左侍郎魏驥等分往南北畿及各郡捕
蝗至是振陝西畿免山東山西河南被災稅糧

質實

魏驥

字仲房蕭山人由訓
導召修永樂大典

五月立皇后錢氏

后族單微帝欲封后父貴為質實皇后錢氏
侯后輒遜謝故后家獨無封質實海州人

六月遣戶部侍郎焦宏備倭

倭屢入寇至是陷大嵩所殺官軍百人掠三百人糧四千
四百餘石軍器無算乃命宏整飭浙江備倭事兼理蘇松
福建質實大嵩守衛千戶所洪武二十年建在
寧波府定海縣東南二百三十里

冬十月太皇太后張氏崩

太皇太后大漸命中官問楊士奇楊溥國家尚有何大事
未舉士奇舉三事其一言建文君雖亡曾臨御四年當修
實錄仍用建文年號其二言太宗詔有收方孝儒諸臣遺
書者死宜弛其禁其三未及上而太皇太后已崩遺詔勉
大臣佐帝惇行仁政語甚諄篤謚曰誠孝昭皇后王振自
太后有疾數年間已縱恣及太皇太后崩遂益無忌憚矣

當時閣豎擅權
肆橫流毒方深
大事無過于此
者士奇等寧當
不以為隱憂即
誠孝太后亦未
嘗不慮其貽害
改爾倉猝垂詢

諸臣如果忠于
為國當思此事
機難得一去而
不可復挽即宜
列王報罪惡亟
舉入告以請速
除凶孽或冀其
萬一得行猶可
有裨國政若建
文君臣之復號
弛禁即未及陳
于平時亦無妨
俟之異日有何
迫不及待而于
呼吸難留之頃
舉此以塞白乎

十一月衛拉特遣使入貢

先是四年托歡死于額森嗣稱太師淮王于是北
部皆服屬托克托克哈具空名不復相制歲入貢主臣
並使朝廷亦兩敕答之稱托克托布哈曰達達可汗
額森曰太師賜賚甚厚並及其妻子部長故事衛拉
特使止三十餘人其後利朝廷賞賚所遣動以千計
大同供應費至三十餘萬巡撫盧厰俱以供饋有缺
至下獄是年春帝亦以貢使太多限三百人入關其
秋至大同者二千餘人旬日又百餘人帝悉納之使
人以馬易弓藏于衣篋不可勝計巡撫羅亨信請于
居庸關詰檢之帝不許鎮守太監郭敬歲造箭簇數
千覓遣其使
帝亦不問

十二月英誠孝皇后

合葬獻陵

祔太廟

至其三未及上紀者亦不言其何事則與前二條之撝拾無當

大畧相同士奇等為相雖亦有小節足稱而核其寔究不免何容守位至是而老將及之尤不過浮沉自全而已史家覲稱三楊相業果盡可為定評耶

癸亥八年春正月以王直為吏部尚書

先是以災異罷大臣不職者郭璉等自陳帝切責而宥之及璉致仕遂以王直為吏部尚書直子為南京國子監博士考滿至京選司欲改北學以侍直直曰是亂法自我始矣固止之直遇王振未嘗少降辭色振每坐直先居其右曰太監四品吾尚書二品也振無如之何更加禮貌焉

質實

郭璉字時用新

安人初名進仁宗更名璉

夏五月復命王驥將貴師師討麓川蠻

思任發之走孟卷也詎能擒獲者即以麓川地與之既而思任發自本邦竄緬甸緬人執之挾以求地而

其子思機發復帥餘衆據者藍奏乞入朝謝罪廷議
欲因而撫之王振不可七年八月復命驛總督雲南
軍務未至而思機發遣弟招寨入貢不納且勅驛圖
緬甸驛因請濟師至是復命蔣貴為平蠻將軍與驛合
兵再討麓川發卒轉餉凡五十萬人驛至金齒檄緬
人獻思任發緬人佯諾不遣及大軍逼境緬人以樓
舡來覘官軍而潛以他舟載思任分遁驛公軍為五
進薄之緬人堅執前詔必與地始出思任發驛知緬
人資木邦永利為唇齒具慮思機發將以獻其父故
仇之故終不肯獻思任發驛乃起者藍搗思機發巢
破之思機發遁去俘其妻子部衆立隴川宣撫司而
還後二年緬人始出思任發獻雲南思任發至死千
戶王政斬之質實者藍麓川別寨地通孟峇隴川宣
撫首歸京師慰司地舊名隴把司在隴川城北
距省布政司
六十六程

雷震奉天殿

震殿鵠吻帝輟朝祭
告敕修省求直言

大赦

六月太監王振殺翰林院侍講劉球

球應詔言事畧曰自古帝王政自己出則權不下移
太祖太宗日視三朝進大臣于便殿裁決庶政故權
總于上陛下臨御今已九年願守二聖之成規復親
決之故事使政本歸一古之擇大臣者必詢諸左右
大夫國人及其有犯雖至大辟亦不加刑第賜之死
今用大臣未嘗皆出公論及有小失輒極桎梏楚之
未幾又復其職甚非所以敬大臣也今之太常即古
之秩宗今卿貳皆缺宜選習禮儒臣令領其職京師

營作已五六年曰不煩民而獲軍軍獨非國家赤子乎
今營築多完宜罷工以蘇人力麓川用兵死者十七八軍資
爵賞不可勝計今又遣將遠征緬甸責獻思任發假
使得寇以歸不過獻諸朝廷矣諸市而已後彼挾以為
功必求與木邦分地不與則致怨與之則兩蠻並大
是滅一麓川生二麓川也設有蹉跌兵事無已死者
必多衛拉特貢使日增包藏禍心誠所難測宜分遣給
事御史督視官軍及時訓練毋使借工各廠服役私
家仍公武舉之選以求良將定名募之法以求武勇
廣屯田公鹽法以厚儲底武備無缺而外患有防
疏入下廷議惟擇太常官宜從令吏部推舉修撰董
璘遂乞改官太常奉享祀事初璘言麓川事振固已
銜之欽天監正彭德清球鄉人也倚振為奸公卿多
趨謁球絕不與通德清恨甚遂摘疏中攬權語謂振
曰此指公耳振益大怒會璘疏上振遂指球同謀並
下錦衣衛獄囑指揮馬順殺球順深夜携一小校持

凌轢朝紳鋤其
不附己者如薛
瑄李時勉諸人
俱為所疾然止
於下獄荷校尋
即釋之劉球抗
言時事雖為權
璫所不容其初
意並未嘗欲殺
乃德清因假手
以洩私忿遂爾
從傍指摘力構
危機致球遭刺
刃慘亡冤沉獄
底而振從此逞
其毒手益無所

刀至球所球方卧起立大呼太祖太宗校前斷其首
血流被地體猶直立支解之瘞獄戶下至景泰初贈
劉球翰林學士諡忠愍 質實 董璘字德文高郵人有孝行明史
遺球家後球子鉞求得一臂裹裙以殮順有子病久忽
起捽順髮拳且蹴之曰老賊令爾他日禍逾我我劉
球也順驚悸俄而子死小校
亦死璘獄解遂歸不復出

下大理寺少卿薛瑄于獄既而釋之

瑄有學行人稱為薛夫子初為山東提學僉事王文
問楊士奇吾鄉有可為京卿者乎士奇以瑄對召為
大理少卿瑄至士奇使謁振瑄曰拜爵公朝謝恩私
室吾不為也一旦會議東閣公卿見振皆趨拜瑄獨
屹立振知為瑄也先揖之自是銜瑄會指揮某死振
從子山欲強娶其妻誣指揮妻毒殺夫處極刑瑄辨

心憚是振之惡
賈由德清怨患
而成其後振既
按法族誅而德
清不過下獄長
繫罰不蔽辜其
何以雷幽憤而
快人心耶

其寃三却之都御史王文承振指劾瑄故出人罪振復諷言官誣奏瑄受賄下獄論死將行刑振蒼頭忽泣于變下問故曰聞薪夫子將刑也振感動會兵部郎中王偉亦申救乃免
質實 薛瑄字
津人王文字牛之初名強宣德特賜
今名束鹿人王偉字士英攸縣人


秋七月祭酒李時勉荷校于國子監門三日釋之

時勉與南京祭酒陳敬宗並以師道著聞時稱南陳北李時勉請改建國子監帝命王振往視之勉待振無加禮振銜之慮其短無所得時勉嘗受彞倫堂樹旁枝振遂言時勉擅伐官樹坐枷署門官校至時勉方坐東堂閱課士卷徐呼諸生品第高下顧僚屬定甲乙揭榜乃行方盛暑枷三日不解監生李貴等三千餘人詣闕乞貸有石大用者上章願以身代諸生圍集朝門呼聲徹殿廷振聞諸生不平恐激變及通政

司奏大用章振內慙適會昌侯孫忠生日公卿皆為
壽忠太后父也助教李繼因公卿請於忠太后使至
忠家忠言今歲生辰殊不樂以公卿皆集獨李先生
荷校不至耳使復奏太后言于帝帝始知振所為即
釋之質實陳敬宗字光世慈谿人李貴鳳陽人石大用
豐潤人撲魯初不為六館所知及是名動京
師李繼史不詳里系時勉傳云繼不拘檢狎時勉嘗
規切之繼不能盡用然心感時勉言至是竟得其助

二月免山東復業民稅糧二年

御定資治通鑑綱目三編卷九



總校官舉人臣章維桓

校對官學錄臣常循

膳錄監生臣劉鈺